

BIŃ KILISI GEOC LASÊ GÊDÊŃ JOANŃA

BiŃ Kilisi Geoc Lasê GêdêŃ JoaŃŃa nec Ńac tau keto gêdêŃ Ńasawa teŃ, taŃ lau sêjanda to sêlêsú lau buŃa kêtú nêŃ sêkêŃ gêwiŃ Jesu Kilisi gebe Apômtau eŃŃa. JoaŃ keto papia tonec Ńamanô tau nec gebe êkêli lau tônê sêkêŃ mateŃ Anôtô to taêŃ êka eŃ totêntac êpa sugeŃ ma gebe êpiŃkap êsêac gebe sêsap eŃ tôŃ ŃaŃêŃgeŃŃa êtôm têm, taŃ sêôc wapac to ŃandaŃ naŃŃa sêsiŃ sugeŃ.

Anôtô geoc nom Ńatêm êsu Ńawêc totau-totau lasê gedêg JoaŃ, tec keto gêjam buku tonec ŃamakeŃ kapôêŃ auc. Gêgôm eŃ kêtú kaiŃ teŃ kêsa, tec gêlic gêŃ Ńakatu kêpi ŃadôŃdôŃgeŃŃa ma gêŃô biŃ ŃalêwiŃgeŃ, naŃ lau buŃa têm tônêŃa sêjala Ńam gêc awê gêdêŃ êsêac tauŃgeŃ, mago kêsiŃ tau gêc lêlômgeŃ gêdêŃ lau samuc. ŃacsakiŃ teŃ embe ênam mêtê aêac, oc êndênaŃ biŃ Ńapep. EŃ êkêŃ Ńasêbu samob sêsô Ńalôtêna tageŃ Ńalabu, naŃ eŃ êsam lasê êsêp Ńasawa, ec êwê aêac êndêŃ tajala biŃŃa. JoaŃ keto buku tonec ŃabiŃ totau-totau kêsô Ńalôtêna Ńalabu gêdêŃ-gêdêŃgeŃ kêtôm tônêgeŃ, tec kêdênaŃ gêŃ, tê katu gêlic to gêŃô-gêŃô nê, kêsi tau gêc awê Ńajam. Lau sêpuc biŃ tonaiŃ Ńai Ńam ma sêwa sa naŃ, nêŃ kauc keso-keso tau. Mago buku tau Ńagalôtênasêga tonec gêc awêgeŃ gebe Êtu Ńamu Anôtô oc êkêŃ Apômtau Jesu Kilisi mênêku nê Ńacjo pebeŃ tulu tomalageŃ ma SadaŃ tau êwiŃ amboac tonaiŃgeŃ. ÊkêŃ êsêac sêsô eŃ ŃaŃbu su, gocgo êkêŃ

moasiñ êndên nê lau sêsêp en tòn ñañênña naêjô gebe êkên êsêac sêwê kain undambê wakuc to nom wakuc ñawasi sêwiñ en.

Ñadênañ

1. Joañ gêjac m papia tonec 1:1-8
2. Joañ katu kain teñ kêsa gêlic gêñ ñakatu ñamataña ma biñ gêdên gôlôac 7ña 1:9-3:22
3. Papia tonapeñ 7ña 4:1-8:1
4. Dauc 7ña 8:2-11:19
5. Lêñuckêm to bôclai luagêc ñabiñ 12:1-13:18
6. Katu gêlic gêñ ñakatu ñagêdô 14:1-15:8
7. Anôto têtac ñandañ ñalaclu 7 16:1-21
8. Babilon kêku sa ma sêku Bôc tau tuluña to propete dansañ ma Sadañ tau 17:1-20:10
9. Anôtô êmêtôc biñ êtu ñamu 20:11-15
10. Undambê wakuc to Nom wakuc ma Jerusalem wakuc 21:1-22:5
11. Joañ gêjac mata buku tonec 22:6-21

Joañ gêjac m nê biñ ma awa gêjac nê lau

¹ Biñ tonec ñai Jesu Kilisi geoc lasê. Anôtô tau kêkên biñ tonec gêdên en gebe en êtôc biñ, tañ kêdabiñ gebe mênêsa nañ, êndên nê sakiñwaga samob. Tec kêsakiñ nê añela geoc biñ tau lasê gêdên ênê sakiñwaga aê, Joañ. ² Aê, Joañ, galic gêñ samob tonec, tec kasôm Anôtônê biñ to Jesu Kilisi nê biññanô tau lasê. ³ Aê aoc êôc ñac, tañ êsam biñ tonec lasê to êsêac, tañ sêñô biñ Kilisi geoc lasêña ma sêmansañ biñ samob, tañ kato gêc papia tonec nañ, gebe ñanoc kêdabiñ.

⁴ Aê, Joañ, ñoc biñ êndên gôlôac dabuñ 7, tañ sêmoa gamên Asiaña. Moasiñ to biñmalô êndên amac aña ñac, tañ gêmôa gêdên andanげñ ma

gêmoa galoc ma oc êmêñ nanê, ma ança Nalau 7, tañ sêmoa ênê lêpôn kinça ñanêmña nanêñ, ⁵ to ança Jesu Kilisi nê. Eñ ñac-gêwa-bin-sa-ñanêñ-waga ma kêtú ñacmatê sêndi sa nêñ ñamêc to gêjam gôlin kin nomña.

Eñ têtac gêwiñ aêac ma kêgaboac aêac su ança nêñ sec ña tau nê dec. ⁶ Eñ kêkêñ aêac tatu Tama Anôtô nê gamêñ to dabuñwaga. Nawasi to ñajaña êndêñ eñ tengeñ ma tengeñ. Biññanô.

⁷ Alic acgom, eñ oc êmêñ totaogen.

Lau samob oe sêlic eñ.

Ma êsêac, tañ sêgun eñ ôli lasê nan, oc sêlic eñ sêwiñ.

Lau to-m-to-m ança nom têtan êpi eñ.

Aec, bin tau amboac tônê.

Biññanô.

⁸ Apômtau Anôtô, ñaniniñ Natau, tañ gêmoa gêdêñ andanげñ ma gêmoa galoc ma oc êmêñ nan, kêsôm gebe “Aê ñac ñamata to ñamu.”

Joan gêlic Kilisi

⁹ Amac tewemi aê, Joan. Jesu gêbin aêac tôñ, tec gawê kain nêñ gêñwapac to Anôtônê gamêñ ma gaôc gêñwapac totêtac kêpa sugen gawin amac. Êsêac sêkêñ aê ganğôn nuc, tañ sêsam gebe Patmos nan, kêtú kasôm Anôtônê bin lasê to gawa Jesu saña. ¹⁰ Gêdêñ Apômtaunê om Nalau gêjam aê auc, tec ganğô awa kapôn ten amboac dauc kêtan ança aê dêmôêcmuña. ¹¹ Naawa tau kêsôm gebe “Gên tañ ôlic nan, oto êsêp buku ten ma ôsakin êndêñ gôlôac dabuñ 7 tonec, Epese, Smurna, Pergamon, Tuatira, Sardes, Piladelpia ma Laodikea êna.”

¹² Go kakac tauc ôkwi gabe jalic awa, tañ kêsôm bin gêdêñ aê nan. Kakac tauc ôkwi e galic jakain

gold 7. ¹³ Ma ñac ten amboac ñamalac latuñ ten gêmôa jakaiñ tonañ ñasawa. Enj kêsô ñakwê baliñ e jagêdêñ agêbi ma kêjandiñ ômbiñkap gold gêsac bôdagi. ¹⁴ Ñac tau môkêapac to môkêlauñ sêpôma amboac katenj sêpsêp ma amboac tao kwalam, ma mataanô amboac jawaô, ¹⁵ ma akaiñ amboac ki jonjon, tañ sêpac e ñamondéc-mondéc kêsa nan, ma nê awa amboac bu kapôênkapôên ñakicsêa. ¹⁶ Ñac tau lêma anôña kêkam utitalata 7, ma siñ ten sêuc ñamata makenj-makenj kêsa enj awasun, ma enj lanjôanô amboac oc ñawê tonjaclai.

¹⁷ Aê galic enj e gau tauc jatomatêgenj gaêc enj akaiñña, go kêkêñ lêma anôña gêsac aê ma kêsôm gebe “Ôtêc taôm atom. Aê ñac ñamata to ñamu. ¹⁸ Aê matoc jali. Aê gamac êndu su, mago aôm gôlicgac, aê matoc jali gamoa tenjenj ma tenjenj, ma kakôc gêmacanô to lamboam ñaki. ¹⁹ Amboac tonañ oto gêñ, tañ gôlic nan, sa acgom. Oto gêñ, tañ galoc gêc nan, to gêñ tañ mênêsa êtu ñamu nan, amboac tonanjenj. ²⁰ Utitalata 7, tañ gêc lemoc anôña nan, to jakaiñ gold 7 ñabiñ, tañ gêc lêlômgenj nan, ñam tau tonec. Utitalata 7 tonañ têtû gôlôac dabuñ 7 nêñ añela, ma jakaiñ 7 tonañ têtû gôlôac dabuñ 7 tau. * saun. Alic Tim II. 1:15

2

Binj gêdêñ gôlôac Epesenja

¹ “Oto binj tonec êndêñ gôlôac dabuñ Epesenja nêñ añela.

* **1:20:** Ñaê Asia kêkanôñ gamên, tañ sêsam tenj gebe Asia

“Ñac tañ lêma anôña kêkam utitalata 7 ma kêsêlêñ gêmoa jakainj gold 7 ñasawa nañ, kêsôm binj tonec gebe ² Aê kajala nê m kolenj to gôm taôm su ma gôc gêñwapac totêmtac kêpa sugenj. Aê kajala gebe aôm godec lau sec gebe sêmoa sêwiñ aôm atom. Aôm kôsaê êsêac, tañ sê tauñ gebe aposolo, mago êsêac aposolo atom nañ, e kôjala êsêac gebe dansantêna. ³ Aôm gôc gêñwapac, tañ kêtap aôm sa kêt u ñoc ñaêña nañ, totêmtac kêpa sugenj, ma têkwam gêbac atom. ⁴ Tagenj nê m binj tenj tec gêc. Aôm gôwi nê m têtac gêwiñ ñamataña sinj. ⁵ Amboac tonañ taêm ênam gêñ, tañ gôwi sinj su nañ, e ônam taôm ôkwi ma ônam kôm, tañ gôjam gêdêñ ñamataña nañ êtiam. Embe ônam taôm ôkwi atom, oc jandêñ aôm jawac ma jatinj nê m jakainj su anja ñamala. ⁶ Mago tonec tec gôgôm jagêdêñ gebe têtac gedec Nikolainê launêñ kôm, tañ aê têtac gedec amboac tonanjenj nañ. ⁷ Ñac tañ nê tañasuñ gêc nañ, êñô binj, tec Ñalau kêsôm gêdêñ gôlôac dabuñ nec, gebe Tenj embe êku ñacjo tulu, oc jakêñ enj êniñ ka danğonj matenj jalinja, tañ kêkô Anôtônê paradis nañ ñanô.

Binj gêdêñ gôlôac Smurnaña

⁸ “Ma oto binj tonec êndêñ gôlôac dabuñ Smurnaña nêñ anjela.

“Ñac ñamata to ñamu, tañ gêmac êndu e mata jali kêsa nañ, kêsôm binj tonec gebe. ⁹ Aê kajala gebe gônğonj jageo to ñalêlôm sawa. Mago aôm ñac tolêlômğoc. Aê kajala êsêac, tañ sê tauñ gebe Juda nañ, sêsôm binj alôb-alôb kêpi aôm. Mago êsêac Juda atom, êsêac anja Sadanê lôm. ¹⁰ Ôtêc ñandanj, tañ oc ôc nañ atom. Gôlicgac me, Sadan oc êkêñ amacnê m ñagêdô sêsêp kapoacwalô, gebe

ênsaê amac ma oc anğon naeo êtôm bêc 10. Ôc njanêngeŋ e ômac êndu, go jakêŋ danğon maten jali njasunsuŋ êndên aôm. ¹¹ Nac taŋ nê taŋasun gêc naŋ, êŋô biŋ, tec Nalau kêsôm gêdên gôlôac dêbu ŋ nec, gebe Teŋ embe êku ŋacjo tulu, oc gêmacanô kêtû luagêcŋa êkêŋ ŋandan êndên eŋ atom.

Biŋ gêdên gôlôac Pergamonŋa

¹² “Ma oto biŋ tonec êndên gôlôac dabuŋ Pergamonŋa nêŋ aŋela.

“Nac taŋ gêc siŋ teŋ sêuc ŋamata maken-maken naŋ kasôm biŋ tonec. ¹³ Aê kajala gamêŋ, taŋ gônğon naŋ, Sadaŋnê lêpôn kêkô tônê. Mago aôm kôkam aêŋoc ŋaê tôn ma gôsa kôkêŋ gêwiŋ aêŋa auc atom. Gêdên taŋ sêjac ŋoc ŋac-gêwa-biŋ-sa-ŋanênwaga Antipas êndu aŋga amacnêm gamêŋ, taŋ Sadaŋ gênğon naŋ, aôm gôsa aê auc atom amboac tonanğen. ¹⁴ Tagen nêm biŋ ŋagêdô tec gêc. Lau ŋagêdô sêkam Balamnê mêtê tôn sêmoa Pergamon sêwiŋ aôm. Balam tonan kêdôn Balak gebe êwa lakô lau Israel, gebe sêniŋ da gwamŋa to sênğôm mock-aiŋ. ¹⁵ Lau ŋagêdô sêkam Nikolainê launêŋ mêtê tôn sêmoa sêwiŋ aôm amboac tonanğen. ¹⁶ Amboac tonan ônam taôm ôkwi. Embe masi, oc jandên aôm jawac seben ma janac êsêac ŋa siŋ, taŋ kêsâ aocsuŋ naŋ. ¹⁷ Nac taŋ nê taŋasun gêc naŋ, êŋô bi ŋ, tec Nalau kêsôm gêdên gôlôac dabuŋ nec, gebe Teŋ embe êku ŋacjo tulu, oc jakêŋ mana, taŋ kêsiŋ tau gêc naŋ, ma jakêŋ poc sêpsêp teŋ êndên eŋ êwiŋ. Aê kato ŋaê wakuc teŋ kêsêp poc tau, ŋac teŋ kêjala atom, ŋac-kêkôc-poc-waga taugen kêjala.

Biŋ gêdên gôlôac Tuatiraŋa

18 “Ma oto biñ tonec êndêñ gôlôac dabuñ Tuatiraña nêñ aña.

“Anôtônê Latu, tañ mataanô kêtôm jawaô ma akaiñ amboac ki jonjon nan, kêsôm biñ tonec. 19 Aê kajala nêñ koleñ to têtac gêwiñ ma kôkêñ gêwiñ ma gôjam sakiñ to gôc gêñwapac totêtac kêpa sugen. Aê kajala gebe galoc gôjam koleñ kapôêñ kêlêlêc gêmuñña su. 20 Tagnêñ nêñ biñ teñ tec gêc. Aôm gôlôc gêdêñ Jesebel, tañ gê tau gebe prope-teo teñ ma kêdôn to kêlênsôn ñoc sakiñwaga gebe sêngôm mockaiñ to sêniñ da gwamña. 21 Aê kakêñ ñasawa gêdêñ eñ gebe ênam tau ôkwi, mago gedec, eñ gebe ênam tau ôkwi aña nê lêñ mockaiñoña atom. 22 Ôlic acgom, aê oc jambaliñ eñ siñ ênsac nê mê togêmacgen, ma êsêac, tañ sêgôm mockaiñ gêdêñ eñ nan, embe sênam tauñ ôkwi aña gêñ, tañ sêgôm sêwiñ eñ nan atom, oc jambaliñ êsêac siñ sêmoa naeo ñanô. 23 Ma aê jansenêñ ênê latuio to ñac samob su sênaña, go gôlôac dabuñ samob sêjala gebe aê ñac, tañ kabêlêñ ñamalacnêñ ñalêlôm e gabi lêtêñ, ma jakêñ ñagêjô êndêñ amac êndêñ-êndêñgenêñ êjô nêñ kôm, tañ ajam. 24 Mago amac lau Tuatiraña ñagêdô akôc mêtê sec tonañ sa atom ma akip biñ, tañ sêsam gebe ‘Sadañnê biñ ñalômña’ nan, sa atom. Tec jasôm êndêñ amac gebe Aê oc jau gêñwapac teñ ênsac amac êwiñ atom. 25 Mago gêñ, tañ akôc kêtû nêñ gêñ su nan, amêñgôm ñajañagenêñ e aê jawac. 26 Teñ embe êku ñacjo tulu ma ênam ñoc kôm e ênac dabi ñ,
oc jakêñ ñaclai êndêñ eñ gebe êtu lau samuc nêñ
ñatau

27 ma ênam gôliñ êsêac ña tôcki

to elo êsêac popoc llnsim-linsimgeŋ amboac kunom.

²⁸ N̄aclai amboac tonan̄ aê kakôc an̄ga Tamocnê, ma jakêŋ utitêna elen̄mataŋa êndêŋ eŋ. ²⁹ N̄ac taŋ nê taŋasun̄ gêc nan̄, êŋô biŋ, tec N̄alau kêsôm gêdêŋ gôlôac dabun̄ nec.

3

Biô gêdêŋ gôlôac Sardesŋa

¹ “Ma oto biŋ tonec êndêŋ gôlôac dabun̄ Sardesŋa nêŋ an̄ela.

“N̄ac taŋ kêkôc Anôtônê N̄alau 7 ma utitalata 7 nan̄, kêsôm biŋ tonec gebe Aê kajala nêŋ kolen̄ ma waem gêc gebe gômoa matam jali, mago kôtu matê. ² Matam êlêc ma ôpuc gêŋ ŋagêdô, taŋ gebe êmac êndugeŋ nan̄ tôŋ, gebe aê galic aôm gôjac dabun̄ nêŋ kolen̄ ŋapep kêtôm ênac Anôtô mataanô ŋajamŋa atom. ³ Amboac tonan̄ taêm ênam biŋ, taŋ gôŋô to kôkôc su nan̄, ma ômansan̄ e ônam taôm ôkwi. Embe matam êlac atom, oc jawac amboac geŋgeŋtêna, ma aôm oc ônam kauc noc jandêŋ aôm jawacŋa. ⁴ Mago aôm nêŋ lau luagêcgeŋ tec sêŋgôn̄ Sardes, taŋ sêgôm nêŋ ŋakwê ŋatêmui kêsa atom. Lau tonan̄ tec galic êsêac têtôm gebe oc sêsêlêŋ tonakwê kwalam sêwiŋ aê. ⁵ Ten̄ embe êku ŋacjo tulu, oc jakêŋ eŋ êsô ŋakwê kwalam sa ma jansen̄ ênê ŋaê su an̄ga buku maten̄ jalin̄a atom ma jasôm ênê ŋaê lasê êndêŋ Tamoc to nê an̄ela. ⁶ N̄ac taŋ nê taŋasun̄ gêc nan̄, êŋô biŋ, tec N̄alau kêsôm gêdêŋ gôlôac dabun̄ nec.

Biŋ geden̄ gôlôac Piladelpian̄a

7 “Ma oto biñ tonec êndêñ gôlôac dabuñ Piladelpiaña nêñ anjela.
 “Ñac dabuñ to ñac biññanôña,
 tañ kêkôc Dawidnê ki katamña nañ,
 embe êlai su, oc teñ êlai auc êtôm atom,
 ma embe êlai auc, oc teñ êlai su êtôm atom,
 ñac tau tonañ kêsôm biñ tonec gebe⁸ Aê kajala nêñ
 kolen. Ôlic acgom, aê galêc katam teñ su gêdêñ
 aôm, tec kêkô, ma teñ kêtôm gebe ênsañ aucña
 atomanô. Aê kajala gebe nêñ ñaclai ñagec gêc,
 mago kômasañ ñoc biñ to gôsa aêñoc ñaê auc atom.
⁹ Ôlic acgom, oc jakêñ êsêac anğa Sadanñê lôm, tañ
 sê taun gebe êsêac Juda, mago êsêac J u da atom,
 sêsau taun nañ, sêndêñ aôm sêwac sêpôn aenduc
 sênêc aôm amkainña, ec sêjala gebe aê têtac gêwiñ
 aôm. ¹⁰ Aê jañgôm biñ tonañ gebe aôm kômasañ ñoc
 biñ to gôc gêñwapac totêmtac kêpa sugen. Amboac
 tonañ aê oc jajop aôm êndêñ noc lêtômña, tañ oc
 mênêsa anğa nom ñagamên samob gebe ênsaê lau
 samob, tañ sêngôn nom nañ, gebe lêtôm tau êtap
 aôm sa êwiñ atom. ¹¹ Aê oc jawac sebeñ. Gêñ tañ
 kôkôc kêtú nêñ gêñ su nañ, omênğôm ñajañagen
 gebe ñac teñ êjanğo nêñ sunsuñ su atom. ¹² Teñ
 embe êku ñacjo tulu, oc jakêñ en êtu alê êkô ñoc
 Anôtônê lôm dabuñ. En oc êwi lôm dabuñ siñ êsa
 êna atomanô. Ma aê jato ñoc Anôtônê ñaê to ñoc
 Anôtônê malac Jerusalem wakuc ñaê ênsac en. Ñoc
 Anôtô oc êkên malac tau êsêp anğa undambê êmên.
 Ma jato tauc ñoc ñaê wakuc ênsac en êwiñ. ¹³ Ñac
 tañ nê tañasuñ gêc nañ, êñô biñ, tec Ñalau kêsôm
 gêdêñ gôlôac dabuñ nec.

Biñ gêdêñ gôlôac Laodikeaña

14 “Ma oto biñ tonec êndên gôlôac dabun Laodikeanja nêñ anjela.

“Biññanô ñatau tau, tañ gêwa biñ sa ñañên to biññanôgeñ, gêñ tañ Anôtô kékên ñañ, samob ñamôkê ñañ, kêsôm biñ tonec gebe ¹⁵ Aê kajala nêñ kolen ma kajala gebe aôm ñaluc atom me ñandan atom. Ojae, jalic aôm ñaluc me ñandan acgommanj. ¹⁶ Mago aôm ñaluc atom ma ñandan atom, aôm ñakola-kola, amboac tonañ aê gabe jakasôp aôm siñ anja aocsunj. ¹⁷ Aôm kôsôm gebe Aê ñac toawa ma ñoc waba taêsam, tec kapô lêna gêñ teñ atom. Mago aôm gôjam kauc taôm. Aôm gômoa jageo ñanô ma lau embe sêlic, oc taên walô aôm. Aôm ñac ñalêlôm sawa ma matampec to gômoa ôlim ñaômagenj. ¹⁸ Amboac tonañ aê gabe jawa lêñ teñ sa êndên aôm acgom. Ônam ôli gold, tañ sêpac ña ja e ñawasi kêsa ñañ, êndên aê gebe ôtu ñac tolêlôm. Onam ôli ñakwê kwalam gebe êsanj aôm gebe majam êsa êtu ôlim ñaômaja atom, ma ônam ôli ñalêsi gebe ôniñ oso matamanô e ôlic gamênj ñañên êsa. ¹⁹ Aê embe têtac êwiñ lau teñ, oc jamêtôc to jakôniñ êsêac. Amboac tonañ ôpônj taôm topalêgeñ e ônam taôm ôkwi. ²⁰ Alic acgom, aê tec kakô katamdêmôe ma kamadi kakô. Teñ embe êñô aê aoc ma êlêc katam su, oc jasô jandên en jana ma janiñ gêñ jawiñ en ma en êniñ gêñ êwiñ aê. ²¹ Teñ embe êku ñacjo tulu, oc jakên en êngônj ñoc lêpônj êwiñ aê, amboac aê kaku ñacjo tulu ma ganğônj Tamocnê lêpônj gawiñ en. ²² Ñac tañ nê tanjasunj gêc ñañ, êñô biñ, tec Ñalau kêsôm gêdên gôlôac dabun nec.”

Sakiñ dabuñ undambêña

¹ Tonañ su acgom, go galic ñakatu teñ. Aê galic undambê ñakatam teñ gêña ma awa ñamataña, tañ kêsôm biñ gêdêñ aê ma ganô amboac dauc kêtanj nan, kêsôm gebe “Ôpi ômôêñ, aê gabe jatôc biñ, tañ oc mênêsa êtu ñamu nan, êndêñ aôm.” ² Ma sep tagen katuc kain teñ kêsâ e galic lêpôn kinña teñ kêkô undambê ma ñac teñ gêngôn lêpôn tau. ³ Ma ñac, tañ gêngôn lêpôn kinña nan, lanôanô ñawasi amboac jabo ma bomsamuc amboac môêc. Ma kasômbuc kêgi lêpôn auc ma galic amboac kalacwaô. ⁴ Go lêpôn 24 kêgi lêpôn kinña tau auc, ma laumata 24 sêngôn lêpôn tau ñaô. Êsêac sêsô ñakwê kwalam-kwalam to sêkuc sunsun gold. ⁵ Ma ôsic kêkac to awen kêsâ ma wapap gêjac kêsâ anga lêpôn kinña tau. Ma dawen 7 gelom kêkô lêpôn tau ñanêmña. Dawen tau Anôtônê Nalau 7. ⁶ Ma gwêc teñ kêpoac lêpôn tau ñanêmña. Gwêc tau ñakênkên lanjwagen amboac glas.

Ma anga gamêñ ñaluñ tau bôc aclê sêkô sêgi lêpôn kinña auc. Êsêac materjanô taêsam gêjam ôlin nêmña to muña auc samucgen. ⁷ Bôc ñamataña kêtôm lewe. Go ônan kêtû luagêcña nan, kêtôm bulimakao kapoac. Ma ônan kêtû têlêacña nan, lanôanô kêtôm ñamalac. Ma ônan kêtû aclêña nan, kêtôm momboan gêlôb. ⁸ Ma bôc aclê tonañ nêñ ñamagê 6 kêtôm êsêacgen. Ma materjanô gêjam ôlin dêmôêña to lêlômña auc. Êsêac sêsôm biñ tonec kêtôm bêc to gelen sêlêwan atom gebe

“Apômtau Anôtô, ñaniniñ Natau, en ñac dabuñ, dabuñ, dabuñ.

Enj gêmoa gêdênj andanjen ma gêmoa galoc ma oc êmêj.”

⁹ Ma gêdênj tanj bôc tau sêkênj nawasi to wae ma danje gêdênj nac tau, tanj gêngônj lêpônj kinja ma oc êmoa mata jali tenjen ma tenjen nan, ¹⁰ êsêac laumata 24 tonanj sêu tauj gêdênj nac, tanj gêngônj lêpônj nan, to tetenj mec gêdênj nac, tanj gêngônj lêpônj nan, to tetenj mec gêdênj nac, tanj êmoa mata jali tenjen ma tenjen, ma tetoc nêj sunsunj gêc lêpônj nanêmna ma sêsôm gebe

¹¹ “O Apômtau, aêacma Anôtô, aôm kôtômgorc gebe ôkôc nawasi ma waem to naclai,

gebe aôm kôkênj gêj samob ma aômnêm binj kêkênj gêj samob mênjkêsa to nanô kêsa tec sêmoa.”

* têtac nandanj gêdênj nêj natauja nec atom.

Êsêac tetoc nêj Apômtau sa na lênj amboac tonanj.

5

Buku ma domba njabinj

¹ Aê galic buku tenj kêsêp nac, tanj gêngônj lêpônj nanj, nê lêma anôja. Teto binj kêsêp lêlômna to dêmôêja, go sêkic tônj ma sêkênj penj 7 kêpi njaomata.

² Go galic anjela naclai tenj kêsôm binj kêkac awa sagenj gebe “Asa kêtôm gebe êkac penj su ma êkac buku tau sa.” ³ Nac tenj anja undambê me anja nom me anja nom njalêlôm kêtôm gebe êkac buku sa ma êsam atom.

⁴ Ma aê kêtanj nanô gebe têtap nac tenj sa kêtôm gebe êkac buku sa ma êsamna nec atom. ⁵ Go laumata tau nêj tenj kêsôm gêdênj aê

* **4:11:** Laumata 24 sêkac nêj sunsunj su gêc nom kêtû

gebe “Ôtañ atom. Ôlic acgom, lewe aña Judanê gôlôac, Dawidnê wakuc teñ, kêku ñacjo tulu. Ñac tonañ tec êkac peñ 7 su ma êkac buku tau sa.”

⁶ Go galic domba teñ kêkô lêpôn kiña to bôc aclê ma laumata 24 ñalêlôm. Domba tau ñalanô amboac sêbuc su. Nê jabo 7 to mataanô 7. Mataanô 7 tau Anôtônê Ñalau 7, tañ kêsakiñ sêjam nom samucgeñ auc. ⁷ Tec domba tau jakêkôc buku su aña ñac, tañ gêngôn lêpôn kiña ñaô nañ, nê lêma anôña. ⁸ Gêdêñ tañ eñ kêkôc buku su nañ, bôc aclê to laumata 24 sêu tañ sêc domba lanônêmña. Êsêac sêkôc gêñ wêña kêtômgeñ ma sêkôc laclu gold. Gêñmalu tañ kêsêp laclu nañ, Anôtônê launêñ mec.

⁹ Ma êsêac sêpuc wê wakuc teñ sa gebe
 “Aôm kôtôm gebe ôkôc buku ma okac ñapeñ su,
 gebe sêbuc aôm ma nê dec gêjam ôli ñamalac
 tomôkê-tomôkê ma awen teñ-awen teñ ma to-m-to-
 m ma toton-toton têtû Anôtônê lau.

¹⁰ Aôm kôkêñ êsêac têtû Anôtônê gamêñ to
 dabunwaga,
 gebe sênam sakiñ aêacnêñ Anôtô ma sênam gôliñ
 aña nom.”

¹¹ Go galic to ganô añela taêsam awen. Añela tau sêgi lêpôn kiña to bôc ma laumata auc ma nêñ namba 1,000 to 1,000 ma 10,000 to 10,000. ¹² Êsêac sêsôm ña awen kapôêñ gebe

“Domba tañ sêbuc nañ, kêtôm gebe êkôc ñaclai to gêñ tolêlôm-tolêlôm ma kauc mêtêña to ñajaña ma wae to ñawasi ma lambiñ.”

¹³ Ma ganô gêñ samob, tañ Anôtô kêkêñ nañ, aña undambê to nom ma aña nom ñalêlôm to gwêc ma geñ samob, tañ sêjam aucgeñ nañ sêsôm gebe

“Lambin to wae ma n̄awasi to n̄ajaŋa enden n̄ac, taŋ gêngôn̄ lêpôn̄ kin̄a nan̄, agêc Domba ten̄geŋ ma ten̄geŋ.”

14 Go bôc aclê tau tonan̄ sêlôc gebe “Bin̄janô.” Ma êsêc laumata sêu taun̄ jasêc ma teten̄ mec. * taên̄ ênam gebe lau ten̄ sêsam papia tau sewin̄ atom, go sêkic papia tôŋ n̄a gam me o ten̄ ma sêsap n̄aomata tôŋ kêpi tagen̄ n̄a katêkwi, go sêpen̄ nêŋ n̄atalô êwa êsêc saŋa kêsêp katêkwi tau. Katêkwi ton̄atalô tau sêsam gebe pen̄. N̄ac taŋ papia gêjac en̄ n̄awae nan̄, êkac pen̄ tau su acgom, go êtôm gebe êsam papia tau. tau. Kat kwl to atalô tau Jam gebe pe ac taŋ papla gêjac en̄ n̄awae nan̄, êkac pe tau 8 U aC 9 Om, go êtôm gebe N̄am papla tau.

6

Bin̄ pen̄ŋa

1 Go galic Domba kêkac buku n̄apeŋ 7 n̄amataŋa su. Ma gan̄ô bôc aclê nêŋ ten̄ kêsôm awa amboac wapap gêjac gebe “Omôên̄.” 2 Ma gaôc matocanô sa ma galic hos kwalam-kwalam ten̄. N̄ac taŋ gêngôn̄ hos n̄aô nan̄, kêmgôm talam ma sêkên̄ sunsun̄ gêdên̄ en̄ kêkuc. Ma n̄ac tau kêsa gêja kêtôm n̄ac-kêku-n̄acjo-tuluwaga, ma en̄ oc êku n̄acjo tulu.

3 Go Domba kêkac n̄apeŋ kêtû luagêcŋa su. Ma gan̄ô bôc kêtû luagêcŋa kêsôm gebe “Ômôên̄.” 4 Ma hos kokoc ten̄ kêsa gêmên̄. Ma n̄ac, taŋ gêngôn̄ hos n̄aô nan̄, kêtû n̄atau gebe êkôc bin̄malô su an̄ga nom ma êkên̄ n̄amalac sensen̄ taun̄, tec sêkên̄ sin̄ kapôên̄ ten̄ gêdên̄ en̄.

* 5:14: Lau n̄anô embe teto papia êndên̄ n̄ac ten̄ ma embe

⁵ Go Domba kêkac ñapeñ kêtù têtêacña su. Ma ganjô bôc kêtù têtêacña kêsôm gebe “Ômôêñ.” Ma gaôc matocanô sa e galic hos jejec teñ. Ma ñac, tañ gêngôñ hos ñaô nañ, kêkôc dôñ tanam dôñ gêng ñawapacña kêsêp lêma. ⁶ Ma ganjô awa teñ kêsâ bôc aclê ñasawa gebe “Kôm bêc tagenña ñaôli kêtôm gebe tanam ôli padi kap luagêc. Kôm bêc tagenña ñaôli kêtôm gebe tanam ôli labi kap 6gen. Mago ôngôm ñalêsi to wain êtu sec atom.”

⁷ Go Domba kêkac ñapeñ kêtù aclêña su. Ma ganjô bôc kêtù aclêña nê awa gebe “Ômôêñ.” ⁸ Tec gaôc matocanô sa e galic hos bobob teñ. Ma ñac, tañ gêngôñ hos gaô nañ, nê ñaê gebe Gêmacanô. Ma lau lamboamña têdaguc eñ. Ma sêwa lau nomña kêkôc gêja toñ aclê, ma Gêmacanô to nê lau têtap ñaclai sa gebe senseñ toñ aclê tonañ ñateñ su ña sinj to ña tôbôm ma ña gêmac tokaiñ-tokaiñ to ña bôclai nomña.

⁹ Go Domba kêkac ñapeñ kêtù lemeñ teñña su. Ma aê galic lau, tañ sêjac êsêac êndu kêtù sêsôm Anôtônê biñ lasê to sêwa biñ tau sa ñañêñña nañ, nêñ katuj sêmoa altar ñalabu. ¹⁰ Ma êsêac sêmôêc ña awen kapôêñ gebe “O ñatau dabuj to biññanôña, êndên ondoc go ômêtôc biñ ma ôkên aêacma dec ñagêjô êndên lau nomña.” ¹¹ Tec sêkên ñakwê kwalam-kwalam gêdên êsêac kêtômgen ma sêsôm gêdên êsêac gebe sêlêwan taun saungen êwiñ e ñacjo sênac lau, tañ sêjam kôm sêwiñ êsêac to nêñ lasitêwai êndu nasêwiñ êsêac, go Anôtô êmêtôc lau nomña.

¹² Ma aê galic Domba kêkac ñapeñ kêtù 6ña su ma ôjô gêjam kapôêñanô e oc kêtù jec amboac talu ñasaô-saô ma ajôñ samuc amboac dec. ¹³ Utitalata

umboŋŋa sêpôp sêsêp nom amboac wa tomatac-tomatac sêsêlô êndêŋ taŋ mu êsêlêŋ kapôêŋ naŋ. ¹⁴ Ma umboŋ gêlêc tau amboac sêlêc lacgeŋ ma lôc to nuc samob sêkêŋ maleŋ siŋ. ¹⁵ Go kiŋ nomŋa to lau towae ma siŋwaganêŋ kapitai to lau tolêlôm ma ŋajaŋa to gêŋôma ma êsêac, taŋ sêmoa nêŋ lêtêgeŋ naŋ, êsêac samob sêsini taui sêsêp gêsui to poclabu aŋga lôc. ¹⁶ Ma sêsôm gêdêŋ lôc to poc kapôêŋ gebe “Aku taôm sa mêŋaŋgênduc aêac auc gebe ŋac, taŋ gêŋgôŋ lêpôŋ kiŋŋa naŋ, agêc Domba, taŋ têtac ŋandaŋ naŋ, sêlic aêac sapu. ¹⁷ Gebe agêcnêŋ bêc kapôêŋ têtac ŋandaŋŋa mêŋkêsa, ma asa kêtôm gebe êpuc tau tôŋ êkô.”

7

Sepeŋ ŋatalô kêpi Israelneŋ lau 144,000

¹ Tonaŋ su, go galic aŋela aclê sêkô nom ŋakêclêsu aclê ma sêmêgôm nom ŋamu aclê tôŋ, gebe mu teŋ êsêlêŋ naêpi nom ma gwêc to ka teŋ atom. ² Go galic aŋela teŋ aŋga oc ŋam kêpi gêmêŋ, naŋ kêkôc Anôtô mata jali nê peŋ sepeŋ ŋatalôŋa ma gêmôêc ŋa awa kapôêŋ gêdêŋ aŋela aclê, taŋ têtap ŋaclai sêŋgôm nom to gwêc êtu secŋa sa naŋ gebe ³ “Aŋgôm nom to gwêc ma ka êtu sec atomgeŋ e aêac apeŋ ŋatalô êpi aêacnêŋ Anôtônê sakiŋwaganêŋ teŋbelen su acgom.” ⁴ Go gaŋô sêsa lau, taŋ sepeŋ ŋatalô kêpi êsêac naŋ, nêŋ namba sa kêtôm 144,000. Sepeŋ ŋatalô kêpi Israel latuinêŋ gôlôac samob kêtômgeŋ. ⁵ Aŋga Judanê gôlôac sepeŋ ŋatalô kêpi lau 12,000, aŋga Rubennê gôlôac 12,000, aŋga Gadnê gôlôac 12,000,

⁶ aᅇga Asernê gôlôac 12,000,
 aᅇga Naptalinê gôlôac 12,000,
 aᅇga Manasenê gôlôac 12,000,
⁷ aᅇga Simeonnê gôlôac 12,000,
 aᅇga Lewinê gôlôac 12,000,
 aᅇga Isakamê gôlôac 12,000,
⁸ aᅇga Sebulonnê gôlôac 12,000,
 aᅇga Josepnê gôlôac 12,000,
 ma aᅇga Benjaminnê gôlôac 12,000.

Lau nomᅇa totonᅇ-totonᅇ sêjam sakinᅇ Anôtô

⁹ Tonanᅇ su, go galic lau taêsam ᅇasec, ᅇac tenᅇ kêtôm gebe êsa êsêac saᅇa atomanô. Êsêac aᅇga lau totonᅇ-totonᅇ samob nêᅇ to lau tomôkê-tomôkê ma lau to-m-to-m samob to lau awenᅇ tenᅇ-awenᅇ tenᅇ. Êsêac sêkô lêpônᅇ kiᅇᅇa to Domba lanᅇônêmᅇa sêsô ᅇakwê kwalam-kwalam ma sêôc tômtôm ᅇalauᅇ.
¹⁰ Ma sêmôêc ᅇa awenᅇ kapôêᅇ gebe “Moasiᅇ ênam aêac kêsiᅇa gêmêᅇ aᅇga Anôtô, taᅇ gêᅇgônᅇ lêpônᅇ kiᅇᅇa nanᅇ, agêc Domba nêᅇ.” ¹¹ Ma aᅇla samob, taᅇ sêkô sêgi lêpônᅇ kiᅇᅇa to laumata ma bôc aclê auc nanᅇ, sêu tauᅇ têtap labôcgeᅇ sêc lêpônᅇ kiᅇᅇa ᅇanêmᅇa ma tetenᅇ mec gêdêᅇ Anôtô ¹² ma sêsôm gebe

“Biᅇᅇanô, lambiᅇ to ᅇawasi
 ma kauc mêtêᅇa to danᅇe
 ma wae to ᅇaclai ma ᅇajaᅇa
 êndêᅇ aêacnêᅇ Anôtô tenᅇgeᅇ ma tenᅇgeᅇ. Biᅇᅇanô.”

¹³ Go laumata tenᅇ kêtû kênac aê gebe “Êsêac taᅇ sêsô ᅇakwê kwalam-kwalam nanᅇ, asa lau ma sêmêᅇ aᅇga ondoc.” ¹⁴ Ma aê kasôm gebe “ᅇoc apômtau, aôm kôjalagac.” Tec eᅇ kêsôm gêdêᅇ aê

gebe “Gêṅwapac kêkônîṅ êsêac ṅanô, tec sêmêṅ ma sêkwasiṅ nêṅ ṅakwê kêsêp Dombanê dec, tec ṅakwê tau kêtû sêp.

¹⁵ Sêgôm amboac tonan, tec sêkô Anôtônê lêpônṅ kinṅa ṅanêmṅa
ma sêjam sakinṅ enṅ kêtôm bêc to gelenṅ sêmoa ênê lôm dabuṅ.

Ma ṅac, taṅ gêṅgonṅ lêpônṅ kinṅa ṅaô nan, mênêtu nêṅ bec.

¹⁶ Mo to bu oc êjô êsêac êtiam atom.

Ma oc to gêṅ ṅandanṅ teṅ oc êtuṅ êsêac êtiam atom,

¹⁷ gebe Domba, taṅ kêkô lêpônṅ ṅaluṅṅenṅ nan, oc ejop êsêac

ma oc êwê êsêac sêndêṅ bumata mata jali sêna.

Ma Anôtô oc êmbuṅ êsêac matenṅsulu samob anṅa matenṅgasi su.”

8

ṅapenṅ kêtû 7ṅa

¹ Domba kêkac ṅapenṅ kêtû 7ṅa su, go undambê ṅagamêṅ ṅaṅêṅ kêsâ kêtôm ockatu ṅasawa ṅamakenṅ.

² Go galic anṅela 7, taṅ sêkô Anôtô laṅônêmṅa nan, sêkôc dauc 7.

³ Ma anṅela teṅ gêmêṅ kêkô kêsî altarṅa. Enṅ kêkôc laclu gold gêṅmaluṅa teṅ. Ma sêkêṅ gêṅmalu taêsam gêdêṅ enṅ gebe êkêṅ êtu da ênsac altar gold, taṅ kêkô lêpônṅ kinṅa ṅanêmṅa nan, êwiṅ Anôtônê lau samob nêṅ mec. ⁴ Ma gêṅmalu ṅajadauṅ gêônṅ sa anṅa anṅela, taṅ kêkô Anôtô laṅônêmṅa nan lêma, kêpi gêwiṅ Anôtônê launêṅ mec gêja. ⁵ Go anṅela kêkôc laclu gêṅmaluṅa jakêkêṅ ja anṅa altar kêsêp e mênṅgêc

ma kêbaliñ kêsêp nom gêja. Su, go wapap gêjac to gamêñ ñakicsêa kêsa ma ôsic kêkac to ôjô gêjam.

Dauc kêtañ

⁶ Ma añela 7, tañ sêkôc dauc 7 nañ, sêmasañ taun gebe sênac êtañ.

⁷ Añela ñamataña gêjac dauc kêtañ ma kompoc to ja ma dec kêgaluñ gêwiñ tau kêsêp nom gêja. Sêwa nom samuc kêkôc gêja ñamakeñ têtêac ma sêwa ka kêkôc gêja toñ têtêac amboac tonanğen. Tec ja geñ nom ñamakeñ teñ to ka ñaton teñ su ma gêgwan matac-matac samob tomalagen.

⁸ Go añela kêtü luagêcña gêjac dauc kêtañ ma gêñ amboac ja geñ lôc kapôên teñ gêü tau kêsêp gwêc gêja. Gwêc tau sêwa kêkôc gêja têtêac ma ñateñ kêtü dec. ⁹ Ma sêwa gêñ mateñ jali, tañ sêsê awen sêmoa gwêc nañ, to wan, tañ sêpoac gwêc nañ, kêkôc gêja toñ têtêac ma gêñ mateñ jali nêñ toñ teñ to wan ñaton teñ sêjaña.

¹⁰ Go añela kêtü têtêacña gêjac dauc kêtañ. Ma utitalata kapôên teñ kêpôp anğa umbon kêtôm dawen ñawaô. Ma sêwa bu samob kêkôc gêja têtêac, tec jakêsêp ñateñ to kêsêp bumata gêwiñ. ¹¹ Ma utitalata tau ñaê gebe Ñamakic. Ma bu têtêac tau ñateñ ñamakic kêsa. Ma ñamalac taêsam sênôm bu ñamakic tau, tec sêmac êndu.

¹² Go añela kêtü aclêña gêjac dauc kêtañ. Ma sêwa oc kêkôc gêja ñamakeñ têtêac ma sêwa ajôn kêkôc gêja ñamakeñ têtêac to sêwa utitalata kêkôc gêja toñ têtêac. Ma oc ñamakeñ teñ to ajôn ñamakeñ teñ ma utitalata ñaton teñ gêjam kanuc. Ma têm oc to ajôn ma utitalata kêpô nomña kêtü dambê kêtôm tonanğen.

13 Go galic to ganô momboan tenj gêlôb gêmoa umbonj ñalabu ma gêmôêc ña awa kapôênj gebe “Ojae, ojae, ojae, lau tanj sêngônj nom nanmênj. Anjela têlêac tec sêmoa. Nênj dauc embe êtanj, oc êsêacmênj sêngônj naeo ñanôgoc.”

9

1 Go anjela kêtû lemenj tenjña gêjac dauc kêtanj. Ma galic utitalata tenj kêpôp anjga umbonj kêsêp nom gêja, ma sêkênj ki gamênj ñakêlêndinj secña gêdênj enj. 2 Ma enj kêlai gamênj ñakêlêndinj ñakatam su ma jadaunj kêpi anjga gêsunj tau tonanj kêtôm ja genj oba ñatêtac mênjgêjam oc to gamênj auc e ñakesec kêsa. 3 Ma wagô sêsa anjga jadaunj ñalêlôm mênjsêjam nom auc, ma nênj ñaclai kêtôm alidêbu nomña nênj. 4 Ma binj gêdênj êsêac gebe sêngôm gêgwanj nomña to gênj ñalaunj matac-matac ma ka sec atom, têtû kasec ñamalac, tanj sepenj Anôtônê ñatalô kêpi êsêac tenjbelenj atom nanjenj. 5 Mago wagô tau têtôm gebe sênac ñamalac êndû atom, sêlôc gebe sêlênsu êsêacgenj êtôm ajônj lemenj tenj. Sêlênsu êsêac ña ñandanj êtôm alidêbu ênjac lau ñanandanj. 6 Êndênj ñasawa tonanj ñamalac sêngôm gênjlêlôm gebe sêmac êndunja, mago sêngôm elê mê. Êsêac oc sênam awenj su gebe sêmac êndû, mago gêmac oc êc êsêac sugenj.

7 Wagô tau ñalanô amboac hos, tanj sêmasanj kêtû sinjña nanj. Êsêac sêkuc gênj amboac sunsunj gold, ma êsêac lanjônjanô amboac ñamalac lanjônânô. 8 Êsêac môkênjlauj baliñ amboac lauonênj ma lunlunj amboac lewenênj. 9 Talic êsêac bônjdagi amboac maluku ki gêsanj auc, ma nênj magênj ñakicsêa amboac kareta, tanj hos taêsam sê ma sêlêti kêtû sinjña

nañ. ¹⁰ Ma nëñ lêñuc tokêm amboac alidêbunêñ, ma nëñ ñaclai gêc ñalêñuc tau ñalêlôm, gebe têtü kasec ñamalac êtôm ajô lemeñ teñ. ¹¹ Anjela gamêñ ñakêlêndiñ secña kêtü nëñ kiñ, në ñaê ña Ebolai awenñ gebe Abadon, ma ña aêac awenñ gebe ñac-geseñ-gêñ-ñsamob-suwaga.

¹² Ojae ñamataña mênğêja su. Ojae luagêc gacgen gêc, oc mênğesa êtü ñamu.

¹³ Go anjela kêtü 6ña gêjac dauc kêtanñ. Ma aê ganjô awa teñ kêsa anğa jabo aclê, *tañ gêsac altar gold, tañ kêkô Anôtô lanônêmña nañ ñakêclêsu. ¹⁴ Awa tau kêsôm gêdêñ anjela kêtü 6ña, tañ kêkôc dauc nañ, gebe “Ôngamboac anjela aclê, tañ sêkô êsêac tön sêmoa bu kapôêñ Euprat nañ su.” ¹⁵ Ma eñ kêgaboac anjela aclê tonanñ su. Anjela tau sêmasañ tauñ kêpi jala tonanñ ñaajôn to ñabêc ma ñaockatu su gebe sêwa ñamalac samob êkôc êna tonñ têlêac ma sênac ñamalacnêñ tonñ têlêac tau ñateñ êndü. ¹⁶ Ma aê ganjô sêsa siñwaga, tañ sênğônñ hos ñaô nañ, nëñ namba sa, ma namba tau 200 million. ¹⁷ Ma katuc kainñ teñ kêsa e galic hos to lau, tañ sênğônñ ñaô nañ. Êsêacnêñ maluku kokoc kêtôm ja to majanñ-majanñ ma jonjonñ. Ma hos tau mômêñapac amboac lewenêñ, ma ja to jadaunñ ma talao kêsa êsêac awenñsuñ. ¹⁸ Gênwapac têlêac tonec ja to jadaunñ ma talao, tañ kêsa êsêac awenñsuñ nañ, gesenñ ñamalac, tañ sêwa kêkôc gêja tonñ têlêac nañ, ñateñ su. ¹⁹ Hos tau nëñ ñaclai ñam kêsêp êsêac awenñsuñ to nëñ Iêñuc. Nêñ Iêñuc tomômêñapac amboac moac. Ma mômêñapac tau tonanñ têtü kasec ñamalac.

²⁰ Ma ñamalac ñagêdô, tañ gênwapac tonanñ gesenñ êsêac su atom nañ, sêjam tauñ ôkwi anğa nëñ kôm,

tañ lemeñ sêgôm nañ atom. Êsêac teteñ mec gêdêñ ñalau sec sêwi siñ atom ma teteñ mec gêdêñ gwam, tañ sêmasañ ña gold to silber ma ki to poc ma ka, ma têtôm gebe sêlic gamêñ to sêñô biñ ma sêsêlêñ atom nañ. ²¹ Ma êsêac sêjam tañ ôkwi anga nêñ lêñ sêjac ñamalac êndu to nêñ sôlôñ toê-toê ma nêñ lêñ mockainjo to mockainña ma nêñ biñ genjenña atom. * jabo kapôêñ aclê ma sêkêñ jabo ñakatu tau kêkô altar ñakêclêsu aclê. ma êkêñ Jabo akatu tau k k altar akacñu acñ.

10

Anjela to buku saun

¹ Go galic anjela ñajana teñ anga undambê kêsêp gêmêñ. En kêkôm tau auc ña tao, ma kasômbuc teñ gêsac en mômêapac, ma lañôanô amboac oc ma akaiñ amboac alê ja. ² Buku saun teñ kêkac tau sa kwananjen kêsêp en lêma. Ma ketoc akaiñ anôña kêkô gwêc ma gasêña kêkô bau. ³ Go en gêmôêc ña awa kapôêñ amboac lewe kêtan. En gêmôêc su, go wapap 7 sêjac ma sêsôm biñ. ⁴ Wapap 7 sêsôm biñ su, ma gabe jato biñ tau. Mago ganô awa teñ kêsã anga undambê gêmêñ gebe “Biñ tañ wapap 7 sêsôm nañ, ênêc aômñagen, oto sa atom.” ⁵ Go anjela, tañ galic en kêkô gwêc to bau nañ,

gêôc lêma anôña sa kêpi undambê gêja,

⁶ ma kêtôc lêma kêpi ñac mata jaliña, tañ gêmoa tenjen ma tenjen.

Ñac tau kêkêñ undambê to ñagêñ samob ma nom to ñagêñ samob ma gwêc to ñagêñ samob. Ma anjela

* **9:21:** Lau Juda sêmasañ nêñ ñagêlôn teñ. Êsêac sêsap

kêsôm gebe “Têm oc êmbacnê. ⁷ Êndên tañ añela kêtú 7ña ênac dauc êtañ nañ, Anôtô oc ênac dabinê nê bin ñalêlômña, amboac kêsôm ñawae ñajam tau lasê gêdên propete, tañ têtú ênê sakinwaga nañ.”

⁸ Ma awa, tañ ganjô kêsa anga undambê gêmên nañ, kêsôm bin gêdên aê kêtiam gebe “Ôna ma ôkôc buku, tê kêkac tau sa kwananjen kêsêp añela, tañ kêkô gwêc to bau nañ, lêma nê su.” ⁹ Tec aê gadên añela tau gaja ma kasôm gêdên en gebe “Ôkên buku saun tonan êndên aê.” Ma en kêsôm gêdên aê gebe “Ôkôc wacônij. Buku tau oc êngôm nê m ñatêtacsêga ñamakic êsa. Mago awamsun oc ênsaê ñakana amboac lêp.” ¹⁰ Ma kakôc buku saun tau su anga añela lêma ma mêngaen e kêsâê ñakana amboac lêp gêc aocsun. Aê kadanjon su, go ñoc ñatêtacsêga ñamakic kêsâ. ¹¹ Ma sêsôm gêdên aê gebe “Oc bin lasê êtiaman êpi lau to-m-to-m to lau toton-tonon ma lau awen ten-awen ten ma kin tokin.”

11

Sêwa-bin-sa-ñanjenwaga luagêc

¹ Go sêkên ôpic ten kêtôm tôc tanam don gênña gêdên aê ma sêsôm gêdên aê gebe “Ôndi naônâ m don Anôtônê lôm dabun to altar ma êsêac, tañ teten mec sêmoa lôm dabun ñalêlôm nañ. ² Mago ondec malaclun lôm dabun ñamagênña ênêcña, ônam don atom, gebe sêkên gêdên lau samuc sêwê kain ma êsêac oc sêka malac dabun popoc êtôm ajôn 42. ³ Ma aê oc jakên ñoc sêwa-bin-sa-ñanjenwaga luagêc. Êsêagêc sêsô talu sa ma seoc bin lasê êtôm bêc 1,260.” ⁴ Nac ulu tonan têtôm katêkwi luagêc me

jakaiñ luagêc, tañ sêkô nom Natau lanônêm nan.
⁵ Ma teñ embe taê ênam gebe êtu kasec êsêagêc, go ja êsa êsêagêc awenşuñ e naênin agêcnên ñacjo su. Teñ embe taê ênam gebe êtu kasec êsêagêc, nan senseñ eñ su ña ja êtôm tônêgen. ⁶ Nac lai gêdên êsêagêc gebe sêmbôc umbonj auc e kom teñ ênac êndên bêc êsêagêc seoc binj lasêña atom. Ma ñac lai gêdên êsêagêc gebe sênac bu ôkwi êtu dec. Ma êsêagêc oc sêlênsu nom ña gênwapac tokaiñ-tokaiñ êtôm tañ taên gêjam nan.

⁷ Êndên tañ sênac dabinj nênj kôm sêwa binj saña nan, bôc tau oc êpi anja ñakêlêndin sec mênênac sinj êndên êsêagêc e êku êsêagêc tulu ma ênac êsêagêc êndu. ⁸ Ma êsêagêcnênj ñawêlêlanj oc ênêc malacsêga ñaintêna. Êsêac sêlêwinj malac tau gebe Sodom to Aiguptu. Anja malac tonanj êsêac sêjac êsêagêcnênj Apômtau kêpi kakesotau. ⁹ Ma lau anja lau to-m-to-m ma lau tomôkê-tomôkê to lau awenj teñ-awenj teñ ma lau totonj-totonj sêlic êsêagêcnênj ñawêlêlanj ênêc êtôm bêc têlêac ma ñasêku ma sênac jao gebe sênşuñ atom. ¹⁰ Ma lau nomña oc têtû samuc êsêagêc sêmac êndurja ma têtac ñajam, tec sêkênj gênj ñajam-ñajam ñaômagenj êndênj tauñ, gebe propete luagêc tonanj sêlêsu lau nomña. ¹¹ Bêc têlêac ma ñasêku gêjanja, go Njalau mata jalinja anja Anôtônê kêsêp êsêagêcnênj ñalêlôm gêja, tec agêc dêdi sêkô, ma êsêac, tañ sêlic êsêagêc nan, têtêc tauñ ñanô. ¹² Ma ñac lagêc tau sênjô awa kapôênj kêsa anja undambê ma kêsôm gêdênj êsêagêc gebe “Api tonec amênj.” Go tao teñ kêsuj êsêagêc sa sêpi undambê sêja ma agêcnênj I acjo sêlic êsêagêc sêpi sêja. ¹³ Ma gêdênj ñasawa tonanj ôjô gêjam kapôênj e malac tonanj ñaandu

samob embe tawa êkôc êna ton 10, nan naten gêjaŋa. Ma ôjô tau gesen lau 7,000 su. Ma lau ŋagêdô têtêc taun, tec tetoc Anôtô undambêŋa sa.

¹⁴ Ojae kêtû luagêcŋa tec mêngêja su. Ma ojae kêtû têtêacŋa oc mêngêsa.

Dauc kêtû 7ŋa

¹⁵ Go aŋela kêtû 7ŋa gêjac dauc kêtan. Ma awen kapôên kêsa aŋga undambê gebe

“Aêacnêŋ Apômtau agêc nê Kilisi têtû nom ŋagamêŋ Natau,

ma en oc ênam gôlin êmoa tengeŋ ma tengeŋ.”

¹⁶ Go laumata 24, taŋ sêngôn nêŋ lêpôn sêmoa Anôtô lanônêm nan, sêu taun têtap labôcgeŋ sêc ma teten mec gêdêŋ Anôtô gebe

¹⁷ “O Apômtau Anôtô, ŋaniniŋ Natau, taŋ gômoa gêdêŋ andanŋeŋ ma galoc gômoa nan, aêac anam danŋe aôm gebe kôwaka nêŋ ŋac lai kapôên sa ma gôjam gôlin gômoa.

¹⁸ Lau samuc têtac ŋandan kêsa, mago aôm têtac ŋandan kêsa amboac tonanŋeŋ.

Noc ômêtôc ŋacmatêŋa

to ôkêŋ ŋagêjô ŋajam êndêŋ propete, taŋ têtû nêŋ sakinwaga

to êndêŋ nêŋ lau ma êndêŋ êsêac lau sauŋ to kapôên,

taŋ têtêc aôm nêŋ ŋaê nanŋa, mêngêô lasê.

Noc onsen êsêac, taŋ sesen nom nan, tau tonec.”

¹⁹ Ma Anôtônê lôm dabun aŋga undambê ŋakatam gêlêc su e Anôtônê poac ŋakatapa, taŋ kêkô ênê lôm dabun nan, kêtû awê. Go ôsic kêkac to gamêŋ ŋakicsêa kêsa ma wapap gêjac to ôjô gêjam ma kom-poc gêjac kapôên.

12

Awê ma lêñuckêm nêñ biñ

¹ Ma gêñtalô kapôênj tenj anja undambê mênkêsa gebe awê tenj kêsô oc kêtû nê ñakwê ma kêkô ajônj ñaô ma kêkuc utitalata 12 kêtû sunsuñ. ² Awê tau taê ma ñapalê kêtunj enj gebe êkôc, tec gêñgônj jageo ma kêwakic.

³ Go gêñtalô tenj anja undambê mênkêsa. Lêñuckêm bomsamuc kapôênj tenj tomôkêapac 7 ma ñajabo 10 kêkuc sunsuñ 7. ⁴ Ma nê Iêñuc gêbam utitalata umbonña tonj têlêac tonanj ñateñ piñpañ, ma kêpalip kêsêp nom gêja. Go lêñuckêm jakêkô awê, tañ gebe êkôc ñapalê nanj lanônêm. Enj kêkô ma kêsaê gebe awê êkôc ñapalê su acgom, go enj êndanğônj ñapalê tau su. ⁵ Awê tau kêkôc ñapalê ñac. Ñapalê tau tonanj oc ênam gôlinj lau samuc samob ña tôcki. Go gêñ tenj kêjanjo ñapalê su gêdênj Anôtô to nê lêpônj gêja. ⁶ Ma awê tau kêsa gamênj sawa gêja. Anôtô tau kêmasanj gamênj ñasawa tenj kêtû enña gebe sêlôm enj anja tônê êtôm bêc 1,260.

⁷ Go sinj kêsa anja undambê. Mikael to nê anjela sêjac sinj gêdênj Iêñuckêm. Ma lêñuckêm to nê anjela sêjac sinj gêdênj êsêac, ⁸ mago sêku êsêac tulu atom, tec lêñuckêm to nê anjela nêñ ñasawa tenj gêc undambê kêtiam atom. ⁹ Êsêac têtinj Iêñuckêm kapôênj, moac lanğwa tau, tañ sêsam enj gebe Ñackêlênsônj-biñwaga me Sadañ nanj su. Ñac tau kêsau nom ñagamênj samob. Êsêac têtinj enj to nê anjela su sêsêp nom sêja. ¹⁰ Go ganô awa kapôênj anja undambê kêsa gebe

“Galoc moasinj to ñajanja ma gôlinj kinja gêmu gêdênj aêacnênj Anôtô gêja.

Ma ênê Kilisinê ñaclai kêsa,
gebe têtin ñac, tañ kékô Anôtô lanônêm
ma kэгôlin bin kêpi aêacnêñ lasitêwai nañ su.
En kэгôlin bin kêpi êsêac kêtôm bêc to gelengeñ.

¹¹ Ma êsêac sêku en tulu ña Dombanê dec
to ña nêñ bin, tañ sêwa sa nañ.

Êsêac têtac gêwiñ gebe sêmoa maten jali atom, tec
sêmac êndu.

¹² Amboac tonan undambê to amac, tañ anğon
undambê nañ, têtac ñajam êsa.

Ojae, nom to gwêcmêñ,
Sadañ kêsêp gêdêñ amac gêwac totêtac ñandañ
kapôêñ,

gebe en kêjala su gebe nê têm kêtú dambêgac.”

¹³ Gêdêñ tonan Iêñuckêm kêjala gebe têtin en su
kêsêp nom gêja, tec kêjanda awê, tañ kékôc ñapalê
ñac nañ. ¹⁴ Ma sêkêñ momboan kapôêñ ñamagê
luagêc gêdêñ awê tau, gebe êlôp êna nê mala, tañ
gêc gamêñ sawa nañ. Êsêac oc sêlôm en anğa tônê
êtôm jala têlêac ma ajon 6, gebe êmoa jaêc moac.

¹⁵ Tec moac gêluc bu kapôêñ kêsa awasun kêdaguc
awê tau gêja, gebe êc en su. ¹⁶ Mago nom gêjam awê
tau sa ma gêña awasun e kêdanğac bu, tañ Iêñuckêm
gêluc kêsa awasun nañ su. ¹⁷ Tec Iêñuckêm têtac
ñandañ gêdêñ awê tau ma gêja gebe ênac sin êndêñ
ênê wakuc ñagêdô, tañ sêmasan Anôtônê bin su to
sêwa Jesunê mêtê sa nañ. ¹⁸ Ma Iêñuckêm kékô
ambêô.

13

Bôc luagêc nêñ bin

¹ Go galic bôc tej kêpi anja gwêc gêmênj. Bôc tau nê jabo 10 ma môkêapac 7. Ma sunsunj 10 gêsac nê jabo ñaô ma teto ñaê alôb-alôb gêsac môkêapac. ² Ma bôc tau, taj galic nanj, ñalanô amboac pusip saleñña kapôênj ma akainj amboac iwanê ma awasunj amboac lewe awasunj. Ma lêñuckêm kêkênj nê ñajana to nê lêpônj ma nê ñaclai kapôênj gêdênj enj. ³ Ma sêlic bôc tau nê môkêapac tau ñatej kêtôm sêjac êndu, mago ñakamoc sec tau gêmô. Tec lau nomña samob sê taênj ma têdaguc bôc tau. ⁴ Ma êsêac tetenj mec gêdênj lêñuckêm gebe kêkênj ñaclai gêdênj bôc, go tetenj mec gêdênj bôc tau ma sêsôm gebe “Asa kêtôm bôc tonanj ma asa kêtôm gebe ênac sinj êndênj enj.”

⁵ Ma Anôtô gêlôc gebe bôc etoc tau sa ña awasunj kapôênj to êsôm binj alôb-alôb, ma kêkênj ñaclai gêdênj enj gebe êngôm gêñj tau êtôm ajônj 42. ⁶ Bôc tau gêña awasunj ma kêsôm binj alôb-alôb kêpi Anôtô to kêpi ênê ñaê to ênê andu ma kêpi êsêac, taj sêngônj undambê. ⁷ Ma Anôtô gêlôc gebe enj ênac sinj êndênj Anôtônê lau e êku êsêac tulu. Ma kêkênj ñaclai gêdênj enj gebe êtu lau tomôkê-tomôkê to lau to-m-to-m ma lau awenj tej-awenj tej to lau totonj-totonj samob nêñj ñatau. ⁸ Ma lau nomña samob oc tetenj mec êndênj bôc tau. Mago gêdênj taj Anôtô kêkênj undambê to nom atomgenj nanj, lau tonanj nêñj ñaê kêsêp Domba, taj sêjac êndu nanj, nê buku mata jalinja atom.

⁹ Ñac tej nê tanjasunj embe ênêc, nanj, êñômanj.

¹⁰ Embe ênac ñac tej ñawae gebe êngônj kapoacwalô,
oc êsêp kapoacwalô êna.

Ma embe ênac ñac tej ñawae gebe sênac eñ ña sin êndu,

oc sênac eñ êndu.

Amboac tonañ Anôtônê lau sêoc gêñwapac totêntac êpa sugen ma sêkênj êwiñ.

¹¹ Go galic bôc taunja tej kêpi anja nom ñalêlôm gêmênj. Bôc tonañ nê jabo luagêc kêtôm dombanê, mago kêsau biñ kêtôm lêñuckêm. ¹² Ma gêjam kôm ña bôc ñamatañja nê ñaclai gêmoa bôc tau lanjônêmñja. Ma kêkac nom to êsêac, tañ sêñgônj nom nañ, gebe tetenj mec êndênj bôc ñamatañja tonjakamoc sec, tañ gêmô su nañ. ¹³ Ma eñ gêgôm gêñtalô kapôênj-kapôênj. Eñ kêkênj ja kêsêp anja undambê gêmênj nom mênj-ñamalac samob sêlic. ¹⁴ Bôc tau kêsau gêoc lau nomñja samob ña gêñtalô, tañ Anôtô gêlôc gebe êñgôm êmoa bôc ñamata ñalanjônêm nañ. Ma bôc tau kêsôm gêdênj lau nomñja gebe sêmansañ bôc, tañ kêtap sin ñakamoc sa, mago gêmoa mata jali nañ, nê ñakatu tej. ¹⁵ Ma Anôtô gêlôc, tec bôc tau gêju awajaô mata jali kêsêp bôc ñakatu gebe bôc ñakatu êsôm biñ ma ensenj êsêac, tañ tetenj mec êndênj ñakatu atom nañ su. ¹⁶ Ma bôc tau kêkac ñamalac samob, lau saunj to kapôênj ma lau tolêlôm to lau ñalêlôm sawa ma lau, tañ sêmoa nêñ lêtêgenj nañ, to gêñôma gebe sepenj ñatalô tej ênêc lemenj anôñja me tejbelej. ¹⁷ Ñac tej embe êtap ñatalô tonañ sa atom, oc êtôm gebe ênam ôli gêñ me êkênj gêñ êndênj lau sênam ôli atom. Ñatalô tonañ bôc tau nê ñaê me ñaê tau ñanamba. ¹⁸ Amboac tonañ lau tokauc mêtênja taênj ênam biñ tau acgom. Ñac tokauc êkip bôcnê namba ñam saman, gebe namba tau ñamalac tej nê. Ma namba tau 666.

14

Lau 144,000 nêḡ wê

¹ Go galic matocanô sa ma galic Domba tau kêkô lôc Sion ma lau 144,000, taḡ teto êsêagêc Tama nêḡ ḡaê kêpi êsêac tenbeleḡ naḡ, sêkô sêwiḡ eḡ. ² Ma gaḡô awa tenḡ kêsa aḡga undambê kêtôm bu taêsam ḡakicsêa ma kêtôm wapap gêjac kapôêḡanô. Ma gaḡô awa tau amboac lau wêḡa sêjac nêḡ gêḡ wêḡa kêtaḡ. ³ Lau tau sêjam wê wakuc tenḡ sêkô lêpônḡ kiḡḡa to bôc aclê ma laumata laḡônḡnêḡḡa. ḡac tenḡ kêtôm gebe êḡô wê tonḡ e êtu tôḡ eḡ atom, lau 144,000 taḡḡeḡ, taḡ Domba gêjam ôli êsêac su aḡga nom naḡ, tec sêjam. ⁴ Lau tonḡ ḡai têtū sec gêdêḡ lauo atom, sêmoa tonêḡ ḡalêlôm ḡawasigeḡ. Êsêac têdaguc Domba sêsa intêna samob, taḡ eḡ kêsa naḡ. Domba gêjam ôli êsêac su aḡga ḡamalacnêḡ e têtū Anôtô agêc Domba nêḡ gêḡ ḡanô ḡamêc. ⁵ Biḡḡansaḡ tenḡ kêsa êsêac awenḡsuḡ atomanô, gebe êsêacnêḡ keso masi.

Aḡela têlêac nêḡ biḡ

⁶ Go galic aḡela tenḡ gêlôb gêmoa undambê ḡalêlôm. Eḡ kêkôc ḡawae ḡajam tenḡḡeḡḡa tenḡ gebe êsôm lasê êndêḡ lau, taḡ sêḡgônḡ nom naḡ, ma êndêḡ lau totonḡ-totonḡ samob to lau tomôkê-tomôkê ma lau awenḡ tenḡ-awenḡ tenḡ to lau to-m-to-m. ⁷ Eḡ kêsôm ḡa awa kapôêḡ gebe “Atêc Anôtô to atoc eḡ taḡḡeḡ sa, gebe ênê mêtôc ḡanoc mêḡkêsa. Atenḡ mec êndêḡ ḡac, taḡ kêkêḡ undambê to nom ma gwêc to bumata naḡ.”

⁸ Ma aḡela tenḡ kêdaguc mêḡkêtu luagêc ma kêsôm gebe “Sêku Babel kapôêḡ tulu, sêku tulugac, Babel

tau kêkêñ nê wain têtac ñakalacña gêdêñ lau samuc sênôm.”

⁹ Go añela teñ kêdaguc êsêagêc mênkêtu têlêac. Eñ kêsôm ña awa kapôêñ gebe “Teñ embe eteñ mec êndêñ bôc to êndêñ nê ñakatu ma êkôc ñatalô ênêc têbêla me lêma, ¹⁰ nañ oc ênôm wain Anôtônê têtac ñandanña, tañ kêkêc kêsêp nê têtac ñandan ñaclu, kêgaluñ gêwiñ gêñ teñ atom. Ma sêlênsu ñac tau ña ja to talao aña añela dabuñ to Domba lañôñnêmña. ¹¹ Ja tañ êlênsu êsêac nañ, ñajadauñ oc êpi endeñ tôñgeñ. Êsêac tañ teteñ mec gêdêñ bôc to gêdêñ ênê ñakatu ma sêkôc ênê ñaê ñatalô sa nañ, oc sêniñ awenñ atom êtôm bêc to elenñgeñ.”

¹² Amboac tonañ Anôtônê lau, tañ sêmasañ Anôtônê biñsu to sêkêñ gêwiñ Jesu nañ, sêoc gêñwapac totêntac êpa sugenñ.

¹³ Go gañô awa teñ kêsa aña undambê gebe “Oto gebe Aê aoc êoc lau, tañ Apômtau gêbiñ êsêac tôñ ma sêmac êndu galoc ma êndêñ bêc ñamuña samobgenñ.” Ñalau Dabuñ kêsôm gebe “Biññanô, êsêac oc sêwi nêñ koleñ siñ ma sêniñ awenñ gebe nêñ koleñ ñanô kêdaguc êsêac.”

Têm sejoñ kôm ñanô saña

¹⁴ Go gaôc matocanô sa ma galic tao sêpsêp teñ ma ñac teñ amboac ñamalacnê latu gêngônñ tao tonañ ñaô. Eñ kêkuc sunsuñ gold ma lêma kêmêgôm bôjanñ jalô ñamata teñ. ¹⁵ Ma añela tauña teñ kêsa aña lôm dabuñ mênğêmôêc ña awa kapôêñ gêdêñ ñac, tañ gêngônñ tao ñaô nañ, gebe “Ôsakiñ nêm bôjanñ jalô naônêc kôm ñanô sa gebe noc tajonñ kôm ñanô saña mênkêsa ma gêñ nomña kêtú lêwê su.”

¹⁶ Tec ñac, tañ gêngôñ tao ñaô nañ, gêjac bôjan jalô kêsêp nom ma gêjac nom ñakôm ñanô sa.

¹⁷ Go añela tauña teñ kêsa aña lôm dêbuñ, tañ kêkô undambê nañ, gêmêñ ma gêôc bôjan jalô ñamata teñ amboac tonañ.

¹⁸ Go añela tauña teñ kêsa aña altar gêmêñ gêwiñ, nañ kêtú ja ñatau ma gêmôéc ña awa kapôêñ gêdêñ ñac tobôjan jalô ñamata tonañ gebe “Ôsakiñ nêmbôjan jalô ñamata êna ma ojon ñanô aña nom ñakôm wainña sa, gebe wain ñanô kêtú lêwê su.” ¹⁹ Go añela gêjac nê bôjan jalô kêsêp nom ma kejon wain ñanô aña nom sa jakêbaliñ ñanô tau kêsêp sêpip wain ñamala kapôêñ. Ñamala tau tonañ Anôtônê têtac ñandañ. ²⁰ Êsêac sêpip wain ñanô sêmoa malac ñamagê e dec kêsa sêpip wain ñamala tau. Dec tau kêsun kêtôm gebe ênôm hos auc e êndêñ ñagôlin ma keselen gêja kêtôm 300 kilometer.

15

Añela togeñwapac ñamuña tau

¹ Go galic gêngtalô-kapôêñ kaiñ teñ gêc undambê. Añela 7 sêkôc gêngwapac ñamuña 7 tau. Anôtônê têtac ñandañ oc ênac dabiñ tau êpi gêngwapac tonec.

² Ma galic gêng amboac gwêc, nañ kêtôm glas sêgalun gêwiñ ja. Ma galic lau, tañ sêku bôc to nê ñakatu ma nê ñaê ñanamba tulu nañ, sêkôc Anôtônê geñ wêña sêkô gwêc glas tau ñatali. ³ Êsêac sêjam Anôtônê sakiñwaga Mose nê wê ma Dombanê wê gebe

“O Apômtau Anôtô, ñaniniñ Ñatau, aômnêm kôm kapôêñ to kaiñ teñ.

O lau toton-toton samob nêḡ kiḡ,
aômnêm lêḡ samob jagêdêḡ to biḡḡanô.

⁴ O Apômtau, asa oc êtêc aôm atom,
ma asa oc etoc aôm nêḡ sa atom.

Gebe aôm taômḡḡ dabuḡ.

Lau toton-toton samob mênḡteteḡ mec êndêḡ aôm,
gebe nêm iêḡ kômêtoḡ biḡ jagêdêḡḡa kêtḡ awê
sugac.”

⁵ Tonaḡ su, go galic lômbec undambêḡa, taḡ kêtḡ
Anôtô ḡêmoa ḡêwiḡ nê lau ḡabelo naḡ, ḡakataḡ
ḡêlêc tau su. ⁶ Ma aḡela 7, taḡ sêkôc ḡêḡwapac 7
naḡ, sêsa aḡa lôm dêbuḡ sêmêḡ. Êsêacnêḡ ḡakwê
ḡawasi e ḡaeb ḡaôma ma sêjandiḡ ômbiḡkap gold
ḡêsac bônḡdagi. ⁷ Go bôc aclê nêḡ teḡ kêkêḡ laclu
gold 7 ḡêdêḡ aḡela 7 ma Anôtô mata jali teḡḡeḡ ma
teḡḡeḡḡa nê têtac ḡandaḡ kêsêḡ laclu tau e mênḡḡc.
⁸ Ma Anôtônê ḡawasi to nê ḡaclai ḡajadauḡ ḡêjam
lôm dabuḡ ḡalêlôm auc ma ḡac teḡ kêtôm gebe êsô
lôm dabuḡ êna atomanô e aḡela 7 nêḡ ḡêḡwapac
mêḡênac pep acgom.

16

Anôtônê têtac ḡandaḡ ḡaclu 7

¹ Ma ḡaḡô awa kapôêḡ kêsā aḡa lôm dabuḡ ma
kêsôm ḡêdêḡ aḡela 7 tonaḡ gebe “Ana akêc Anôtônê
têtac ḡandaḡ ḡaclu 7 êsêḡ nom êna.”

² Go aḡela ḡamata jakêkêc nê laclu kêsêḡ nom
ḡêja. Ma lau, taḡ sêkôc bôcnê ḡatalô sa to teteḡ mec
ḡêdêḡ ênê ḡakatu naḡ, têtap ḡwatêlê sec to ḡandaḡ
sa.

³ Go aḡela kêtḡ luagêcḡa kêkêc nê laclu kêsêḡ
ḡwêc ḡêja e kêtḡ dec. Ma dec tau amboac ḡacmatê

ņadec. Ma gêņ matenĵ jali samob, taņ sêmoa gwêc naņ, sêmac endu.

⁴ Go aņela kêtu têlêacņa kêkêc nê laclu kêsêp bu to bumata samob gêja e kêtu dec. ⁵ Ma aê gaņô bu tau ņaañela kêsôm gebe

“O ņac dabuņ tau, taņ galoc gômoa to andanĵen gômoa naņ,
aôm ņac gêdêņ, tec kômêtôc biņ ņalêņ amboac tonanĵ.

⁶ Êsêac sêkêc Anôtônê lau to propete nêņ dec siņ, ma galoc kôkêņ dec gêdêņ êsêac sênôm. ņagêjô tonanĵ jakêtôm êsêacnêņ keso solop.”

⁷ Ma gaņô awa kêsa aņga altar gebe

“Biņņanô, Apômtau Anôtô, ņaniniņ ņatau, aômnêm mêtôc tau biņņanô to jagêdêņgoc.”

⁸ Go aņela kêtu aclêņa kêkêc nê laclu kêsêp oc e kêkêņ oc ņaja kapôêņ kêpac ņamalac. ⁹ ņandanĵ kapôêņ tau kêpac ņamalac, e sêsôm biņ alôb-alôb kêpi Anôtônê ņaê, gebe ênê ņaclai kêtu gêņwapac tonanĵ ņamôkê, tec sêjam taunĵ ôkwi ma tetoc eņ sa atom.

¹⁰ Go aņela kêtu lemeņ teņņa kêkêc nê laclu kêsêp bôc tau nê lêpôņ. Ma bôcnê gamêņ samob ņakesec kêsa. Ma ņandanĵ gêgôm ņamalac e sêņac imbelenĵ.

¹¹ Ma sêsôm biņ alôb-alôb kêpi Anôtô undambêņa kêtu nêņ ņandanĵ to gwatêlêņa. Mago sêjam taunĵ ôkwi sêwi nêņ lêņ lanĵwa siņ atom.

¹² Go aņela kêtu 6ņa kêkêc nê laclu kêsêp bu kapôêņ Euprat e bu tau kêpa. Gêgôm tonanĵ gebe êmansaņ kiņ aņga oc ņamņa nêņ intêna. ¹³ Ma aê galic ņalau ņatêmui têlêac amboac ôpoac sêsa aņga lêņuckêm agêc bôc ma propete dansaņ awenĵsuņ sêmêņ. ¹⁴ Êsêac ņalau sec, taņ sêgôm gêņtalô naņ,

nêñ ñalau. Êsêac dêdêñ kin, tañ sêngôn têtôm nom ñagamêñ samobgen nañ sêja, gebe sejon êsêac sa ma sênac sin êndêñ ñaniniñ Natau Anôtô nê bêc kapôêñ.

¹⁵ “Alic acgom, aê oc jawac amboac ñacgenjen. Aê aoc êoc êsêac, tañ sêjam jali ma sêsô nêñ ñakwê banjen nañ, gebe sêsêlêñ toôlin ñaôma e lau sêlic êsêac ôlin ñagêñ majenña atom.” ¹⁶ Go ñalau sec sêkac kin sa sêpi tagen aña gamêñ, nañ sêsam ña Ebolai awen gebe Harmagedon.

¹⁷ Go añela kêtú 7ña kêkêc nê laclu kêsêp ñalaulau. Ma awa kapôêñ kêsa aña lêpôn kinña, tañ kêkô lôm dabun nañ, gebe “Gêjac dabin sugac.” ¹⁸ Ma ôsic kêkac to gamêñ ñakicsêa kêsa ma wapap gêjac to ôjô gêjam secanô. Ôjô secanô amboac tonan gêjam gêdêñ têm ñamalac sêngôn nomña ten atom-anô. ¹⁹ Malacsêga tau kêkac tau kêkôc gêja ñapopoc têlêac, ma lau samuc nêñ malac sêku sa. Ma Anôtô taê gêjam malac Babel kapôêñ, tec kêkêñ wain laclu ten gêdêñ en gênôm. Wain tau ênê têtac ñandan kapôêñ. ²⁰ Go nuc samob sêc su ma lôc samob malenmê. ²¹ Ma kom poc ñamatu kapôêñ-kapôêñ, ten ñawapac kêtôm padi talu ten gêjac aña undambê kêsêp mênkêpi ñamalac e ñamalac sêsôm bin alôb-alôb kêpi Anôtô kêtú kom poc tau ñagêñwapacña, gebe gêñwapac tonan kapôêñanô sec.

17

Awê mockaiño agêc bôc tau

¹ Ma añela 7, tañ sêkôc laclu 7 nañ, nêñ ten kêsa mênkêsôm gêdêñ aê gebe “Ômôêñ, aê jatôc

mockainjo towae, tañ gêngôn bu kapôên natali nan, nê mêtôc êndên aôm. ² Kin nomña sêgôm gêñ mockainña gêdên en, ma lau tañ sêngôn nom nan, sênôm ênê wain mockainña e kêjanin êsêac.”

³ Go katuc kain tañ kêsa e ñac tau gêôc aê kasa gamên sawa tañ gaja. Ma galic awê tañ gêngôn bôc bomsamuc tañ ñaô, ma teto ñaê alôb-alôb gêjam en ôli auc. Ma bôc tau môkêapac 7 to nê jabo 10. ⁴ Awê tau kêsô ñakwê asôsamuc to bomsamuc ma gêjam gêlôn tau ña gold ma pocawa to kêkôm. Lêma kêkôc laclu gold, tañ awê tau nê mockain ñagên môp to ñatêmui kêsêp e mêngegêc. ⁵ Ma teto ñaê tañ gêc en têbela, nan ñam kêsêp lêlôm gebe “Babel kapôên, nom ñamockainjo samob to gêñ môpña samob ñatêna.” ⁶ Ma galic awê tau gênôm Anôtônê lau to lau, tañ sêwa Jesu sa nan, nêñ dec e kêjanin en.

Gêdên tañ galic en nan, gaê taêc en ñanô. ⁷ Mago añela kêsôm gêdên aê gebe “Gôê taêm kêtú asagenña. Aê oc jawa awê to bôc tomôkêapac 7 ma nê jabo 10, tañ kêbalañ awê tau nan, nêñ ñam kêsêp lêlômña sa êndên aôm. ⁸ Bôc tañ gôlic nan, gêmoa gêdên gêmungeñ e galoc malamê, ma malôgeñ acgom, go êpi aña gêsunbôm êmên e ênaña. Lau tañ sêngôn nom nan, oc sêlic bôc tau, tañ gêmungeñ gêmoa e galoc malamê ma oc mênêô lasê êtiam nan, ma sê taên. Mago gêdên tañ Anôtô kêkên undambê to nom atomgeñ nan, lau tañ sê taên nan, nêñ ñaê kêsêp buku mata jalinña atom.

⁹ “Amboac tonañ lau tokauc mêtêña taên ênam bin tau acgom. Môkêapac 7 têtôm lôc 7, tañ awê gêngôn ñaô, nan. Môkêapac tau têtôm kin 7 amboac

tonaņ. ¹⁰ Kiņ lemeņ teņ sêjaņa su. Teņ tec gêmoa. Ma teņ gêmêņ atom tageņ. Eņ embe êmêņ, oc êmoa ņasawa dambêgeņ. ¹¹ Ma bôc tau, taņ gêmuņgeņ gêmoa ma galoc malamê naņ, kêtu kiņ 8ņa. Eņ aņa êsêac 7 nêņ, mago oc ênaņa.

¹² “Ma jabo 10, taņ gôlic naņ, têtôm kiņ 10, taņ sêkôc nêņ gôliņ kiņņa sa atom tageņ. Mago êsêac oc sêkôc ņaclai kiņņa sa êtôm ockatu ņasawa tageņgeņ sêwiņ bôc tau. ¹³ Êsêacnêņ biņ kêpi tageņ ma sêkêņ nêņ ņajaņa to ņaclai gêdêņ bôc tau. ¹⁴ Êsêac oc sênac siņ êndêņ Domba, mago Domba tau oc êku êsêac tulu, gebe eņ kêtu apômtaunêņ Apômtau to kiņnêņ Kiņ. Ma lau, taņ eņ kêkalem to kêjaliņ êsêac sa ma têdaguc eņ ņaņêņgeņ naņ, sênac siņ sêwiņ eņ.”

¹⁵ Go aņela kêsôm gêdêņ aê gebe “Bu taņ gôlic mockaiņo gêņgônŭ ņatali naņ, kêtôm lau to-m-to-m to lau tomôkê-tomôkê ma lau totonŭ-tononŭ to lau aweņ teņ-aweņ teņ. ¹⁶ Ma jabo 10, taņ gôlic naņ, to bôc tau, naņ têtac gedec mockaiņo. Êsêac sêjaņgo ênê gêņ samob su e êmoa ôli ņaômageņ êmoa nê taņa, ma sêniņ ênê ņamêsôm to sêkêņ ja êniņ eņ su. ¹⁷ Biņ tonaņ êsa gebe Anôtô kêkêņ kêsêp êsêacnêņ ņalêlôm gebe sêņgôm ênê biņ êtu anô, tec kêkêņ êsêacnêņ ņalêlôm kêpi tageņ ma sêwi nêņ gôliņ kiņņa siņ gêdêņ bôc tau ênêc e Anôtônê biņ ņanô êsa acgom.

¹⁸ “Ma awê, taņ gôlic naņ, kêtôm malacsêga, taņ gêjam gôliņ kiņ nomņa samob.”

18

Babel kêku sa

1 Tonañ su, go galic aņela taũa teñ aņga undambê kêsêp gêmêñ, eñ toņaclai kapôêñ, ma nê ñawasi kêpô nom. 2 Eñ gêmôêc ña awa kapôêñ gebe “Sêku Babel kapôêñ tulu, sêku tulugac, Babel kêtũ ñalau sec nêñ malac sêñgôñña ma kêtũ ñalau ñatêmui to moc sec, tañ ñamalac dedec nañ ñagêsũñ,

3 gebe lau samuc samob sênôm ênê wain mockainõña to kiñ nomña sêgôm mockainñ gêdêñ eñ ma eñ mata katu gêñboa, tec gêjam ôli gêñ gêdêñ lau-têtuiũ-gañwaga nomña ñawaô e êsêac têtũ lau toêlôm.”

4 Go gañô awa teñ kêsã aņga undambê gebe “O ñoc lauac, awi malac tonañ siñ asa amêñ, gebe awê kainñ ênê sec awiñ atom, ma atap ênê gêñwapac sa awiñ atom.

5 Eñ gêgôm sec jagêboa-jagêboa ma ñatêpôê kêpi e jagêjam undambê tônia, ma Anôtô taê gêjam ênê lêt keso tonañ gêmoa.

6 Aņgôm êndêñ eñ êtôm eñ gêgôm gêdêñ amac. Akêñ ênê kôm sec ñagêjô êndêñ eñ êtu ñim luagêc. Eñ kêjalĩñ gêñ anômña toņaclai kêsêp laclu teñ, tec amac ajalĩñ gêñ toņaclai êsêp laclu teñ êtu ñim luagêc.

7 Eñ ketoc tau sa ma kêmoasiñ tau ñasec, tec akêñ ñagêjô ñandañ to gêñwapac ñadônia êtôm ênê gêñ tonañ.

Eñ kêsôm gêdêñ tau gêc nê ñalêlômgenñ gebe Aê awêtuc atom, aê gañgônia kwinnê lêpônia ma gêñwapac teñ oc êtap aê sa atom.

⁸ Kêtu tonanŋa gêŋ ŋandanŋ tonec ŋai êpi enj êndênŋ bêc tagenŋ gebe

gêmacanô to gêŋwapac ma tôbôm to ja êniŋ enj gebe ênê mêtôcwaga, Apômtau Anôtô, enj ŋac ŋajaŋa.”

⁹ Kiŋ nomŋa, taŋ sêgôm mockainŋ gêdênŋ enj to sêmoasiŋ tauŋ ŋasec sêwiŋ enj naŋ, êndênŋ bêc sêlic ja êniŋ gamênŋ ŋajadauŋ naŋ, oc sênam awenŋ su to têtaiŋ taŋiboa ŋanô êtu enŋa. ¹⁰ Êsêac oc sêkô jaêcgenŋ gebe têtêc tauŋ êtu ênê andanŋa ma sêsôm gebe

“Ojae, ojae, aôm malacsêga Babelma,

aôm malac ŋajaŋa,

mago sêmêtôc aôm gêdênŋ ockatu ŋasawa tagenŋenŋ.”

¹¹ Ma lau-têtulu-gêŋwaga nomŋa sêpuc taŋiboa sa ma têtaiŋ kêpi enj gebe lau tenŋ oc sênam ôli êsêacnênŋ waba êtiam atom. ¹² Waba tau tonec gold to silber ma pocawa to kêkôm ma obo sêpsêp to asôsamuc ma ŋawasi to bomsamuc, ka ŋamalu tokainŋ-tokainŋ ma andu ŋagêŋlêlôm, taŋ sêmasaŋ ŋa bôc ŋajabo to ŋa ka ŋajam-ŋajam ma ŋa ki kokoc to jejec ma ŋa poc ŋawasi, ¹³ ma môsê to katêkwi ma gêŋmalu to salinŋ ma gêŋmalu jadauŋŋa, ma wain to niptêkwi ma polom to jaŋgom ma bulimakao to domba ma hos to kareta ma gêŋôma to ŋamalacnênŋ katuŋ. ¹⁴ Ma lau-têtulu-gêŋwaga sêsôm gebe

“Ŋanô taŋ gôgôm mocsac naŋ, kêtaiŋ tau su aŋga aômniem.

Ma moasiŋ nomŋa to gêlônŋ samob gêwi aôm sinŋ gêjaŋa,

ma oc ôtap gêŋ tonanŋ ŋai ŋatenŋ sa êtiam atomanô.”

15 Lau-têtulu-gênwaga tañ têtü lau tolêlôm kêtü enña nan, sêkô jaécgen gebe têtêc taun kêtü ênê nandanña ma sêpuc tañiboa sa ma têtan gebe

16 “Ojae, ojae, malacsêga tauma.

Enj kêsô ñakwê kwalam-kwalam to asôsamuc ma bomsamuc
ma gêjam gêlôn tau ña gold to pocawa ma kêkôm.

17 Mago genj tolêlôm-tolêlôm tau gêjaña gêdênj ockatu ñasawa tagenjenj.”

Ma kapitai wanña samob ma lau, tañ sêjam ôli wan gebe sêna gamênj tenjamênj tenj nan, ma lau wanña to êsêac samob, tañ sêjam kôm gwêcña nan, sêkô jaécgenj. 18 Êsêac sêlic ja genj malac tau ñajadaun, tec têtan ma sêsôm gebe
“Asa malac tenj kêtôm malacsêga tônê.”

19 Êsêac segainj kekop mênşêpalip kêpi môkênjapac ma sêpuc tañiboa sa ma têtan to sêmôêc gebe
“Ojae, ojae, malacsêga tauma.

Ênê gênj tolêlôm-tolêlôm gêgôm lau samob, tañ nêj wanj kêpoac gwêc nan, têtü lau tolêlôm.

Mago gêjaña gêdênj ockatu ñasawa tagenjenj.

20 O undambê to Anôtônê lau ma aposolo to propete,

têmtac ñajam êsa êtu malac tônêña, gebe Anôtô kêmêtôc malac tau gêjô sec, tañ gêgôm gêdênj amac nan sugac.”

21 Go anjela ñajaña tenj gêôc poctêmui kapôênjanôtêna tenj sa ma gêu kêsêp gwêc gêja ma kêsôm gebe

“Sêu malacsêga Babel gôdub tagenj amboac tonan ma têtap malac tau sa êtiam atomanô.

22 Ma sênac gênj wêña to onj

ma sêju gasuc to sênac dauc êtañ aña nêma mala-
cluñ êtiam atom.

Ma têtap lau lemeñ mêtêña tokaiñ-tokaiñ samob sa
sêmoa aôm ñalêlôm êtiam atom.

²³ Lamp ñawê teñ êpô aôm êtiam atom,

ma sêñô awêlagêc ñac sênam taun ñaonda aña
aômnmêm êtiam atom.

Biñ tonañ êtap aôm sa gebe aômnmêm lau-têtulu-
gêñwaga têtû nom ñatau kapôêñanô.

Ma kôsau lau samuc nomña samob ña nêma biñ
benña.”

²⁴ Ma têtap propete ma Anôtônê lau to lau
samob, tañ sêjac êndu aña nom nan, nêñ dec sa
aña malac tau.

19

¹ Tonañ su, go gañô ñaôndu kapôêñ aña un-
dambê amboac lau taêsam awen, sêsôm gebe
“Haleluja.

Aêacnêñ Anôtô kêtû moasiñ ênam aêac kêsiña
ma ñawasi to ñajañ ñatau.

² Ênê mêtôc samob biññanô to gêdêñ,

gebe eñ kêmêtôc mockaiño kapôêñ gêjô nê
sakiñwaganêñ dec,

tañ awê tau kêkêc siñ nan.”

³ Go êsêac sêsôm kêtiam gebe

“Haleluja.

Malacsêga tau ñajadaun êpi êna enden têtñgeñ.” ⁴ Go
laumata 24 to bôc aclê tau sêu taun jasêc
ma teten mec gêdêñ Anôtô, tañ gêñgôn lêpôn
kiñña nan, gebe

“Biññanô. Haleluja.”

Dombanê moasinj awêña

⁵ Ma awa tenj kêsa anja lêpônj kinja gebe
“Amac samob, tañ atu Anôtônê sakinwaga,
ma amac, tañ atêc enj, samob, lau sauñ to kapôênj,
alambinj aêacnêñ Anôtô.”

⁶ Go ganô ñaôndu amboac lau taêsam awen ma
amboac bu taêsam ñakicsêa to amboac wapap gêjac
kapôênjanô gebe
“Haleluja.

Gebe Apômtau aêacnêñ Anôtô, ñaniniñ Natau,
kêkôc gôlinj kinja sa.

⁷ Têntac ñajam to tatu samuc
ma danjôm ênê ñawasi êsa,
gebe Domba ênam awê sa ñanoc mênjkêsa
ma ênê awê tau kêmasañ tau sugac.

⁸ Sêkênj ñakwê sêpsêp tonjawasi enj kêsô.
Ñakwê tau Anôtônê launêñ lênj gêdênj.”

⁹ Go anjela kêsôm gêdênj aê gebe “Oto gebe Aê
aoc êoc êsêac, tañ kalem gêdênj êsêac gebe nasêninj
moasinj Domba ênam awê saña sêwiñ nanj.” Ma
kêsôm gêdênj aê gebe “Anôtônê binjanô tau tonanj.”

¹⁰ Aê gau tauc gaêc enj akainja gebe jatenj mec
êndênj enj. Mago enj kêsôm gêdênj aê gebe “On-
decgenj, aê katu sakinwaga gawinj aôm to nêñ la-
sitêwai, tañ sêwa Jesu sa nanj. Aôm otenj mec êndênj
Anôtô taugenj.” Lau tañ sêwa Jesu sa nanj, sêwê kainj
Ñalau seoc binj lasêña.

Ñac tañ gêngônj hos kwalam-kwalam ñaô

¹¹ Go galic undambê gêña ma hos kwalam-
kwalam tenj kêsa gêmênj. Ma ñac, tañ gêngônj ñaô
nanj, sêsam enj gebe Ñac ñañênj to Binjanô. Enj

kêmêtôc biñ to gêjac siñ jagêdên. ¹²En mataanô amboac jawaô ma kêkuc sunsun taêsam. Ma teto ñaê tenj gêc enj ôli, tanj ñac tenj kêjala atom, enj taugenj. ¹³Enj kêsô ñakwê tenj sêsac tônj kêsêp dec, ma sêsam ñac tau gebe “Anôtônê Biñ tau.” ¹⁴Go siñwaga undambêña sêsô ñakwê sêpsêp tonjawasi sêngônj hos kwalam-kwalam ñaô têtadaguc enj. ¹⁵Ma siñ ñamata tenj kêsa enj awasunj gebe ênac lau samuc ña siñ tau. Ma enj oc ênam gôlinj êsêac ña tôcki ma êka wain ñanô popoc êsêp Anôtô ñaniniñ Natau nê sêpip wain ñamala. Ñamala tau Anôtônê têtac ñandanj kapôênj tau. ¹⁶Ma teto ñaê tonec gêc ênê ñakwê to enj akainj gebe “Kiñnênj Kiñ ma apômtaunênj Apômtau.”

¹⁷Go galic anjela tenj kêkô oc ñalêlôm. Enj gêmôêc ña awa kapôênj gêdênj moc samob, tanj sêlôp sêmoa umbonj ñalabu gebe “Akac sa amênj êtu Anôtônê moasinj kapôênjña. ¹⁸Amênj gebe aninj kinj to kapitaisêga ma lau siñsêlêc nêñ ñamêsôm, ma aninj hos to lau, tanj sêngônj hos ñaô nanj, nêñ ñamêsôm to lau, tanj sêmoa nêñ lêtêgenj ma gêñôma to lau saunj ma kapôênj samob nêñ ñamêsôm êtômgenj.” ¹⁹Go galic bôc tau ma kinj nomña to nêñ siñwaga sêkac sa gebe sênac siñ êndênj ñac, gêñ gêngônj hos ñaô nanj, to nê siñwaga. ²⁰Ma êsêac sêsô bôc agêc propete dansanj tônj. Propete dansanj tau gêgôm gêñtalô gêmoa bôc lanjônêm ma kêsau êsêac, tanj sêkôc bôcnê ñatalô to tetenj mec gêdênj ênê ñakatu nanj, ña gêñtalô tonanj. Sêsô bôc agêc propete dansanj tônj ma sêbaliñ êsêagêc tomatenj jaligenj sêsêp jagêjactonj, tanj genj talao nanj sêja. ²¹Ma siñ, tanj kêsa ñac gêngônj hos ñaôña awasunj nanj, gêjac lau ñagêdô samob êndu, ma moc samob senj lau tonanj nê

ņamêsôm e gaôc êsêac tônia. *

20

Jala 1,000 ñabinj

¹ Go galic añela tej kêsêp anja undambê gêmênj nanj kêkôc gêsunjbôm ñaki ma kapoacwalô kapôênj tej kêsêp lêma. ² Eñ kêkôc lêñuckêm, moac lanğwa tau tônia. Eñ ñac-kêlênsônia-binğwaga Sadanğ tau. Añela gêsô eñ tônia gebe ênêc e jala 1,000 êmbacnê acgom. ³ Go kêbaliñ eñ kêsêp gêsunjbôm gêja ma kêlai ñakatam auc, go kêpac katêkwi gêwê kêsêp ñakatam ñasawa gebe ênsau lau samuc êtiam atom e jala 1,000 êmbacnê acgom. Têm tonanğ êmbacnê, go sênğamboac eñ su ñasawa ec saunğeñ.

⁴ Go galic lêpônia taêsam ma lau sênğônia ñaô. Ma Anôtô kêkênj kôm mêtôcña gêdênj êsêac. Go galic ñamalac, tanğ sêjac êsêac êndu kêtü sêwa Jesu sa to sêsôm Anôtônê binğ lasêña nanğ, nênğ katunğ. Êsêac tetenğ mec gêdênj bôc to gêdênj ênê ñakatu atom ma sêkôc bôcnê ñatalô sa gêc êsêac tenğbelenğ to lemenğ atom. Katunğ tau matenğ jali kêsa to sêjam gôliñ sêwiñ Kilisi têtôm kinğ kêtôm jala 1,000. ⁵ Ñacmatê dêdi sa ñamata tau tonec. Ñacmatê ñagêdô matenğ jali kêsa atom tagenğ e jala 1,000 êmbacnê acgom. ⁶ Aê aoc êôc lau dabunğ, tanğ sêndi sa êtu ñamata nanğ. Gêmacanô kêtü luagêcña ñañaclai kêkôninğ êsêac tônia atom. Êsêac têtü Anôtô agêc Kilisi nênğ dabunğwaga ma sênam gôliñ sêwiñ Kilisi têtôm kinğ êtôm jala 1,000 tau.

Sêku Sadanğ tulu

* **19:21:** Ñam gebe alambinğ Apômtau.

7 Endêñ tañ jala 1,000 êmbacnê nañ, oc sêngamboac Sadañ su aña nê kapoacwalô. 8 Ma êsa êna gebe ênsau lau samuc, Gog to Magog, tañ sêjam nom auc e gêdêñ ñakêclêsu aclê nañ, ma ênac êsêac sa gebe sênac siñ. Lau tau têtôm ganjac gwêcña, 9 ma êsêac sêsêlêñ sêjam nom aucgeñ ma sêwa Anôtônê launêñ gamêñ sêngônña to malac, tañ Anôtô têtac gêwiñ nañ, auc e ja kêsêp aña undambê jageñ êsêac su. 10 Go Anôtô kêbaliñ Sadañ, tañ kêsau êsêac nañ, kêsêp jagêjacton totalao, tañ gêmunña sêbaliñ bôc tau agêc propete dansañ sêsêp sêja nañ gêja. Ma ñandan oc êlakoc êsêac êtôm bêc to elenñ tengeñ ma tengeñ.

Metôc kapôên mênkêsa

11 Go galic lêpônñ kiñña kwalam-kwalam kapôên tenñ to ñac, tañ gêngônñ ñaô nañ. Ma nom to undambê kêtaiñ tau su aña ñac tau nê lañônêmña, jagêjaña kêsêp sawa gêja e malamê. 12 Ma galic ñacmatê kapôênñ to saunñ samob jasêkô lêpônñ kiñña tau ñanêmña ma sêkac buku ñagêdô sa. Ma sêkac buku tenñ sa, nañ buku mata jaliña tau. Ma sêmêtôc ñacmatê nêñ biñ kêtôm nêñ koleñ, tañ teto ñabiñ gêc buku tonañ ñai su. 13 Gwêc kêkêñ ñacmatê, tañ sêc ñalêlôm nañ, ma gêmacanô to lamboam sêkêñ ñacmatê, tañ sêc lamboam ñalêlôm nañ, ma sêmêtôc êsêac gêdêñ-gêdêñgeñ kêtôm gêñ, tañ sêgôm nañ. 14 Go sêbaliñ gêmacanô to lamboam sêsêp jagêjacton sêja. Jagêjacton tau gêmacanô kêtû lu-agêcña. 15 Ma embe têtap ñac tenñ nê ñaê sa ênêc buku mata jaliña tau atom, nañ sêmbaliñ enñ êsêp

jagêjactorj êna. * Mago kêtû ñamu lau sêsam ñaê luagêc kêpi lau samuc nêj tonj kapôênj, tanj sêkêj kisa gêdêj Anôtô to nê lau.

21

Undambê to nom wakuc

¹ Go galic undambê wakuc to nom wakuc, gebe undambê ñamataña to nom ñamataña nanj gêjaña su ma gwêc malamê amboac tonaj. ² Ma galic malac dabuj Jerusalem wakuc, tanj Anôtô kêkêj kêsêp anja undambê gêmêj nanj, ñagêlônj amboac awê, tanj sêjam gêlônj enj gebe ênam ñac. ³ Ma ganô awa kapôênj tenj kêsâ anja lêpônj kinja gebe “Ôlic acgom, Anôtônê andu kêkô gêwiñ ñamalac. Enj oc êngônj êwiñ êsêac ma êsêac oc têtû ênê lau, ma Anôtô tau oc êmoa êwiñ êsêac. ⁴ Ma enj oc êmbuj matenjsulu samob anja matenjsasi su ma gêmacanô oc ênêc êtiam atom ma gêjwapac to tanjiboa ma ñandanj oc ênêc êtiam atom, gebe gêj ñamataña samob gêjanjagac.”

⁵ Ma ñac, tanj gêngônj lêpônj kinja nanj, kêsôm gebe “Ôlic acgom, aê oc janjôm gêj samob êtu wakuc.” Ma enj kêsôm gebe “Oto gebe Binj tonec binj ñanjêj to binjanô.” ⁶ Ma kêsôm gêdêj aê gebe “Ñanô kêsagac. Aê ñac ñamata to ñamu. Aê katu ñam to ñatêpôê. Aê jakêj bu anja bumata mata jali êndêj lau, tanj bu gêjô êsêac nanj, sênôm ñaômagenj. ⁷ Ñac tanj êku ñacjo tulu nanj, êwê kainj gêj tonaj ñai êtu ênê gêjnlênsêm, ma aê jatu ênê Anôtô ma enj êtu aê latuc. ⁸ Ma lau matenj golec to sêkêj gêwiñ atom, ma lau tosec

* **20:15:** Gêdêj andanjenj Gog kêtû kinj anja gamêj Magog.

to sêjac ñamalac êndu, ma mockainjo to mockainj ma lauben to gwam ñasakinwaga ma dansañtêna samob, oc sêwê kainj ñagêjactonj, tan ja to talao gelom nanj. Gêmacanô kêtú luagêcña tau tonanj.”

Jerusalem wakuc

⁹ Go anjela 7 tolaclu 7, tanj gêñwapac ñamuña 7 kêsêp e mençêc nanj, nêñ tej gêmêñ ma kêsôm gédêñ aê gebe “Ômôên, aê jatôc awê, tanj Domba gebe ênam nanj, êndênj aôm.” ¹⁰ Tec aêñoc katuc kainj tej kêsá e enj gêôc aê kapi lôc baliñ kapôênj tej gaja, go enj kêtôc malac dabunj Jerusalem, tanj Anôtô kékêñ kêsêp anja undambê gêmêñ nanj, gédêñ aê. ¹¹ Gêmêñ toAnôtônê ñawasigenj. Malac tau ñawê amboac pocawa, amboac pocawa jaspera ñaôsic amboac glas. ¹² Malac tau ñatunjbôm kapôênj ma baliñ tonjasacgêdô 12. Ma anjela 12 sêkô sacgêdô tonanj ñaô gédêñ-gédêñgenj. Ma teto Israel latuinêñ gôlôacmôkê 12 nêñ ñaê kêpi sacgêdô tau. ¹³ Sacgêdô têlêac gêc oc kêpiña, têlêac gêc musañgu-mña, têlêac gêc mula-mña ma têlêac gêc oc kêsêpña. ¹⁴ Ma poc 12 kêtú malac ñatunjbôm tau ñanombanj, ma Dombanê aposolo 12 nêñ ñaê 12 gêc poc tau.

¹⁵ Anjela tanj kêsôm binj gédêñ aê nanj, kékôc dônj gold tej gebe ênam dônj malac tau ma ñasacgêdô to tunjbôm. ¹⁶ Malac tau ñalêsijnja to ñatakôcña baliñ kêtôm taugenj. Anjela gêjam dônj malac tau kêtôm dônj 12,000, ñalêsijnja to ñatakôcña ma ñabaliñ kêpi lôlôcña kêtôm taugenj. ¹⁷ Enj gêjam dônj malac ñatunjbôm amboac tonanjenj. Ma tunjbôm tau baliñ kêtôm dônj 144 kêtôm ñamalacnêñ dônj, tanj anjela kékôc nanj. ¹⁸ Tunjbôm tau êsêac sêboa ña pocawa jasperanjenj, ma malac tau sêkwê ña

goldanô e ñakêñkêñ lanğwagenj kêtôm glas. ¹⁹ Êsêac sêjam gêlôn malac ñatuñbôm ñanomban ña pocawa tokainjtokainj. Nomban ñamataña jaspa, ma kêtü luagêcña sapir, ma kêtü têlêacña agat, kêtü aclêña emeral, ²⁰ kêtü lemenj tenña sardonî, kêtü 6ña konelian, kêtü 7ña krisolit, kêtü 8ña beril, kêtü 9ña topa, kêtü 10ña krisopra, kêtü 11ña hiasint ma kêtü 12ña ameti. ²¹ Ma sêkêñ kêkôm tagenj-tagenj kêtü sacgêdô 12 ñakatam. Ma malac ñaintêna tau goldanô ñakêñkêñ kêtôm glas e ñawa lanğwagenj.

²² Ma galic lôm dabunj tenj kêkô malac tau atom, gebe Apômtau Anôtô ñaniniñ Natau agêc Domba têtü ñalôm dabunj. ²³ Ma malac tau kêpô lêna oc to ajônj gebe êpônja nec atom, gebe Anôtônê ñawasi kêpô malac tau ma Domba kêtü ñalamp. ²⁴ Lau totonj-totonj oc sêsêlêñ sêmoa ñawê tonanj ñalêlôm. Ma kinj nomña oc sejonj nêñ waba tonjawasi sêsô malac tau sêna. ²⁵ Êsêac sênsanj ñakatam auc atom-anô, ñawê oc ênêc ñapanj, elenj to êmbêc oc naêsa gamêñ tonanj atom. ²⁶ Ma êsêac oc sejonj lau totonj-totonj nêñ waba to awa towae sêsô malac tau sêna. ²⁷ Gêñ ñatêmui tenj oc êsô malac tonanj êna atom, ma ñac sec to dansantêna tenj êsô êna atom amboac tonanj. Lau tanj teto nêñ ñaê kêsêp Dombanê buku mata jaliña nanjenj, sêsô sêna. * ñawasi kainj tenj ma ñatalô tokainj-tokainj. Ñagêdô kokoc, ñagêdô matak-matak to majanj-majanj. Bîn pocawaanja gêwa ña gebe ñawasl oc ênam Jerusalem wakuc auc samucgenj. Malac ñagêñlêlôm tanj ênêc awê to gêñ, tanj êsinj tau nanj ñawasigenj.

* **21:27:** Ñaê 12 tonanj têtü pocawa 12 ñaê. Pocawa tau

22

¹ Go aņela kêtôc bu tenj gêdêņ aê, ņakêņkêņ kêtôm pocawa. Bu tau bu mata jaliņa kêsa aņga Anôtô agêc Domba nêņ lêpôņ kiņņa. ² Bu tau keselenj kêsêp malaclunj ņaluņgenj ma ka mata jaliņa kêkô bu ņatali makenj-makenj. Ka tau gêjam ņanô kêtû dim 12 kêtôm jalagenj, gêjam kêtôm ajônģenģ. Ma ka tau ņalauņ gêgôm lau samuc ôliņ ņajam kêsa. ³ Ma gêņ, taņ Anôtô kêpuc boa naņ, oc tatap ņatenj sa aņga malac tonañ atom.

Anôtô agêc Domba nêņ lêpôņ kiņņa oc êkô malac tau, ma ênê sakiņwaga oc sênam sakiņ enģ. ⁴ Êsêac oc sêlic enģ laņôanô ma ênê ņaê ênsac êsêac tenģbelenģ. ⁵ Elenģ to êmbêc oc êsa êtiam atom, ma êsêac oc sêpô lêna lamp ņawê to oc atomanô, gebe Apômtau Anôtô tau oc êpô êsêac ma êsêac sênam gôliņ lau têtôm kiņ sêmoa tenģenģ ma tenģenģ.

Jesu oc êmu êmêņ

⁶ Go aņela tenj kêsôm gêdêņ aê gebe “Biņ tonec biņ ņaņêņ to biņņanô. Ma Apômtau Anôtô, taņ kêkêņ nê ņalau gêdêņ propete naņ, kêsakiņ nê aņela gebe êtôc biņ, taņ oc mêņêsa sebenģ naņ, êndêņ ênê sakiņwaga.” ⁷ Jesu kêsôm gebe “Ôņô acgom, aê oc jawac sebenģ. Aê aoc êôc êsêac, taņ sêmansañ biņ, tec Anôtô gêôc lasê gêc buku tonec nec.”

⁸ Aê Joanģ, aê ņac, taņ gaņô to galic gêņ tonañ ņai. Gaņô to galic gêņ tau su acgom, go gau tauc gaêc aņela, taņ kêtôc gêņ samob gêdêņ aê naņ, akaiņņa gabe jatenģ mec êndêņ enģ. ⁹ Mago enģ kêsôm gêdêņ aê gebe “Ondecģenģ, aê katu sakiņwaga gawiņ aôm to propete, taņ têtû nêմ lasitêwai naņ, ma êsêac,

tañ sêmasañ buku tonec ñabinñ nañ. Oteñ mec êndên Anôtô taugenñ.”

¹⁰ Ma eñ kêsôm gêdên aê gebe “Ôngamiñ biñ, tañ Anôtô geoc lasê gêc buku tonec nañ, to ôsiñ ôkwi atom, gebe noc gên samob tonec ñanô êsaña kêdabinñac. ¹¹ Ñac tañ gêgôm sec nañ, êngôm nê sec êmoa. Ñac tañ gêgôm gên mômña nañ, êngôm nê gên mômña êmoa. Ñac gêdên êngôm gên êndêngeñ êmoa. Ma ñac dabuñ êsa nê lên ênam dabuñ tauña êmoa.”

¹² Jesu kêsôm gebe “Ôñô acgom, aê oc jawac sebeñ ma toñoc ñagêjôgeñ jawac, gebe jakên êndên lau samob êndên-êndêngeñ êtôm nêñ lên. ¹³ Aê ñac ñamata to ñamu, aê ñam to ñamôkê ma gajac m ma oc janac dabinñ.”

¹⁴ Aê aoc êoc êsêac, tañ sêkwasiñ nêñ ñakwê nañ, ec êsêac têtôm gebe sêwê kain ka ñanô sêngôn mateñ jaliña ma oc sêsô malac tau ñasacgêdô sêna.

¹⁵ Lau amboac tonec oc sêmoa malac ñamagê, kêam to laubeñ ma mockainjo to mockain ma lau, tañ sêjac ñamalac êndu to gwam ñasakiñwaga ma êsêac, tañ têtac gêwiñ biñdansañ to sêgôm ñanô kêsa nañ.

¹⁶ “Aê, Jesu, kasakiñ ñoc añela gêdên amac gebe êwa biñ tonañ sa êndên gôlôac dabuñ. Aê katu Dawidnê ñawakac ma nê wakuc. Aê katu utitêna gelenmataña ñawasi tau.”

¹⁷ Ñalau agêc awê, tañ gebe ênam ñac nañ, sêsôm gebe “Ômôên.” Lau samob, tañ sêñô biñ tonañ nañ, sêsôm sêwiñ gebe “Ômoên.” Lau tañ bu gêjô êsêac nañ sêmênmañ, ma samob, tañ sebe sêkôc nañ, sêkôc bu mata jaliña taumañ, sêkôc ñaômageñ.

¹⁸ Aê jasôm biñ tonec êtu tôñ êndên lau samob, nañ sêñô biñ, tañ Anôtô geoc lasê gêc buku tonec

nañ gebe Ten embe ênac têku binj tenj naêwiñ, oc Anôtô ênac têku gêñwapac, tañ teto ñawae gêc buku tonec nañ, êpi enj naêwiñ amboac tonanjen. ¹⁹ Ma tenj embe êkôc binj, tañ Anôtô geoc lasê gêc buku tonec nañ, ñatenj su, oc Anôtô êkôc êné kañanô mata jaliña to êné mala anja malac dabun, tañ teto ñabinj gêc buku tonec nañ, su amboac tonanjen.

²⁰ Nac tañ gêwa binj samob tonan sa nañ, kêsôm gebe “Binjanô, aê oc jawac sebenj.” Binjanô, Apômtau Jesu ômôênj.

²¹ Apômtau Jesu nê moasiñ êndênj lau samob.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb